



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

DC

122

.9

B8R4

CASE

B

UC-NRLF



B 3 437 635



19

1879

RELATION DES FUNÉRAILLES

DE L'AMIRAL DE VILLARS

Faites à Rouen le 5 septembre 1595

(SOCIÉTÉ ROUENNAISE
DE
BIBLIOPHILES , 19)

N° 70

—

M. LEGAY.

30 sept 1895

RELATION DES FUNÉRAILLES

DE L'AMIRAL DE VILLARS

FAITES A ROUEN LE 5 SEPTEMBRE 1895

PUBLIÉE AVEC UNE INTRODUCTION ET UN APPENDICE

PAR

G. LE BOUTEILLER



ROUEN

IMPRIMERIE DE ESPÉRANCE CAGNIARD

M. DCCC. LXXIX.

2000

DC 122
.9
B8R4
Case
E
*

INTRODUCTION

André Baptiste Brancas, seigneur de Villars, appartenait à l'ancienne famille des *Brancaccio* de Naples, qui, lors de la chute de la maison d'Anjou, qu'elle soutenait contre celle d'Aragon, avait abandonné sa patrie pour venir s'établir en France.

De bonne heure partisan ardent de la Ligue, le duc de Guise lui avait fait donner le commandement de la place du Havre, et trente mille écus par les Parisiens. « Ce fut donc pour cet argent, dit Davila, et pour l'espérance qu'il eut que le Duc de Guise le protégeroit qu'il se donna tout à fait au service de la Ligue (1). »

Au mois de janvier 1590, quand Honfleur fut assiégé par Henri IV, Villars prolongea la résistance de la place en envoyant du Havre des secours au chevalier de Grillon. Cette ville prise, le roi abandonna la Normandie pour aller attaquer Chartres, et aussitôt les ligueurs regagnèrent le terrain qu'ils avaient perdu.

(1) Davila. *Histoire des Guerres civiles de France*. Traduction Beaudouin. Paris MDCXLVII. Tome 1^{er}, livre 9^e, page 587.

M755002

Tavannes, alors gouverneur de Rouen, et Villars se réunirent et reprirent Fécamp, depuis peu de temps au pouvoir des troupes royales ; ils forcèrent de Chaste, gouverneur de Dieppe et royaliste sincère, qui s'était avancé jusqu'à Thibermesnil, à battre en retraite, et marchèrent ensuite sur le château de Blainville. Sa proximité de Rouen en rendait la possession d'une haute importance. Le chevalier d'Allègre l'occupait avec une forte garnison. Néanmoins la place fût emportée grâce aux efforts du parlement ligueur de Rouen qui fournit tout ce qui était nécessaire pour le siège (mars 1591). Pont-Audemer même était menacé, et d'Hacqueville, son gouverneur, demandait du secours au duc de Montpénsier.

Ces craintes devaient être de peu de durée. Dès qu'il s'agit de partager le riche butin pillé au château de Blainville, il s'éleva entre Villars et Tavannes une querelle que vainement le parlement s'efforça d'apaiser (1). Jaloux et ennemi de Tavannes, Villars voulait à tout prix le gouvernement de la Normandie. Aussi était-il audacieusement venu prendre position dans une île de la Seine, en face Rouen, avec une galère suivie de quinze vaisseaux. Mayenne, en toute hâte accouru d'Amiens, dût, pour empêcher la lutte de ses deux lieutenants et garder à la cause de la Ligue un de ses

(1) D'Estaintot. *La Ligue en Normandie*, p. 164. — Floquet. *Hist. du parlement de Normandie*, III, page 350.

capitaines les plus zélés, revêtir Villars du commandement qu'il avait, pour ainsi dire, conquis.

Les lettres patentes qui le nommaient assuraient que M. de Tavannes s'était volontairement démis de sa charge. Villars, au lieu de prêter serment au Palais, selon l'usage, le prêta entre les mains de Mayenne.

Le parlement ligueur dut souffrir cet affront.

A peine installé, Villars eut à défendre Rouen contre Henri IV, et le 20 août 1592 il obligea le roi à lever le siège commencé le 11 novembre 1591.

Pendant ce temps il avait été investi de la charge d'amiral de France au nom de la Ligue, et le 5 août 1592 il vint au parlement prêter serment et se faire installer à la table de marbre du palais. Il fut présenté aux chambres assemblées, et, contrairement à tous les usages, reçu *sans avoir posé son épée* (1).

D'après les *Mémoires de l'Estoile*, Villars prêta aussi serment au Parlement de Paris. — « Le mardi 16^e febvrier, M. de Villars fait le serment d'Amiral de France à la Cour, où il vint accompagné de cinquante bons chevaux et bien en conche. Lui, habillé de noir, fort simplement et modestement, aiant un chapeau sans cordon, fut installé par le président de Nulli (encores que le Premier Président eust accoustumé de ce faire). Son advocat estoit Montreuil, qu'on disoit estre fils d'un chandelier de Paris, lequel triompha de

(1) Note communiquée par M. Gosselin.

le louer, comme aussi fist Dorléans, qui l'exalta jusques au tiers ciel. Et, à la vérité, il paroissoit en ce seigneur une générosité et prudence escrite sur le front, remarquée par beaucoup de Messieurs de la Cour qui en firent jugement comme d'un homme fort fin, accort et advisé. Sur quoi fust dit, par un d'entre eux, que, non sans cause, Nostre Seigneur avoit dit que *alii tenebrarum prudentiores erant in hoc seculo aliis lucis* (1). »

Tous les efforts de la Ligne se portaient sur Caen, resté fidèle au roi. Aussi vit-on le nouvel amiral tantôt essayer d'entraîner dans le parti de la Sainte-Union Pelet de la Verune, gouverneur de cette ville et catholique ardent, tantôt se préparer à envoyer par mer des troupes contre Caen, tantôt enfin soudoyer, avec les autres chefs ligueurs, des espions chargés de pousser les habitants à la révolte et, plus d'une fois, surpris leur distribuant des armes.

Ce furent là les dernières tentatives de Villars.

La cause royale faisait de grands progrès. Aussi ne songeait-il plus qu'à se soumettre et à obtenir les conditions les plus avantageuses. Lors du siège de Rouen, Henri IV lui avait fait faire des ouvertures, et le roi écrivait : « Si je bats mes ennemys tout est à tout et Villars déchirera de bon cœur l'escharpe de la ligue (2). »

(1) *L'Estoile. Mémoires Journaux*, édit Jouaust, t. V. p. 218.

(2) Lettre du 18 décembre 1591.

Les négociations durèrent longtemps.

Enfin le traité fut signé et Rouen remis au roi. C'était la chute définitive de la Ligue en Normandie. Villars conservait la charge d'amiral de France, restait gouverneur de Rouen et de Caux, se faisait garantir une somme de 1,200,000 livres et 60,000 livres de pension. On lui donnait la disposition des riches abbayes de Jumièges, Tiron, Bon-Port, le Valasse et Montivilliers.

Son frère demeurait gouverneur du Havre.

De tous les chefs de la Ligue Villars fut celui qui se fit acheter le plus cher ; il ne devait point jouir longtemps du prix de sa soumission.

Le 24 juillet 1595, en tentant d'introduire de vive force un secours dans Doullens, assiégé par les Espagnols, il fût fait prisonnier et tué de sang-froid.

Les restes de Villars furent rapportés à Rouen.

Des funérailles magnifiques lui furent faites.

La description nous en a été conservée sous ce titre : *Discours véritable de la mort, funérailles et enterrement de deffunct Messire André de Brancas, etc. — A Rouen, chez Richard l'Allemand, au portail des libraires, MDXCV. Avec privilège.* Cet opuscule, bien que déjà édité deux fois, est toujours rare et atteint dans les ventes un prix élevé. M. Frère s'exprime ainsi dans son *Manuel du bibliographe normand* :

« Il a été fait deux réimpressions de ce livre dans les

xvii^e et xviii^e siècles, in-12 et avec la date de 1595. Il est facile de les reconnaître à la disposition typographique; la seconde réimpression, supérieure à la première, se distingue par le caractère qui est beaucoup plus gros; elle a 124 pages, tandis que les deux autres éditions en ont seulement 80. »

Indépendamment du nombre des pages et de la grosseur du caractère, d'autres signes encore permettent de préciser les éditions de cet ouvrage.

L'édition originale, de beaucoup la plus rare, se reconnaît par la marque de l'imprimeur *l'Allemand*, un cœur volant avec cette devise : *Scientiam cor rectum inquiri*t. A la fin du volume se trouve un avis de l'imprimeur au lecteur qui manque dans la seconde réimpression. Comme dans la plupart des livres du xvi^e siècle, les *n* et les *m* sont remplacées par un signe abrégatif. La justification du volume n'est point partout la même. Les manchettes sont prises à même cette justification, en sorte que celle-ci est plus étroite quand les manchettes existent et plus large quand elles n'existent pas. C'est du reste cette édition que nous nous sommes appliqué à reproduire.

Il nous a été complètement impossible de nous procurer un exemplaire de la réimpression parue au xvii^e siècle et dont M. Frère fait mention.

Dans la réimpression du xviii^e siècle, à la place de la marque de l'imprimeur se trouve un simple ornement. Toutes les indications du titre venant après l'énumé-

ration des dignités de l'amiral de Villars ont été supprimées. Le nom du libraire et le lieu d'impression sont ainsi indiqués :

A ROUEN

Chez RICHART LALLEMANT

1595.

Les *n* et les *m* ont été rétablies partout où existait le signe abrégatif, et comme nous l'avons dit, l'avis de l'imprimeur au lecteur, qui termine l'édition originale, n'a point été reproduit.

Ce livre, dont la dédicace adressée au duc de Montpensier est signée par Rolland, sieur du Plessis, n'est point une œuvre entièrement originale. Toute la description du cortège commençant par ces mots : « Et premièrement marchoit seul » jusqu'à ceux-ci : « Et toutes les cloches d'icelle avec la susdite cloche nommée Georges d'Amboise, nouvellement racommodée » est extraite d'un arrêt du parlement de Normandie. Des variantes peu importantes différencient les deux textes. L'une d'elles paraît bien indiquer cette origine. Tandis que le discours véritable s'exprime ainsi : « Après le dit deuil, vne grande espace entre deux, marchoyent Messieurs de la Cour de Parlement en corps et précédez de leurs Huissiers, » l'arrêt du parlement dit simplement : « Marchoient Messieurs de la Cour de Parlement en corps en l'ordre ci-dessus désigné ». Par l'arrêt même la cour, en effet, avait eu soin de déterminer cet ordre, que l'auteur du discours véritable n'a

pas cru devoir rapporter, et il a fait ce léger changement au texte de la description du cortège.

Cet arrêt nous est conservé dans un manuscrit de la Bibliothèque publique de Rouen, fonds Martainville catalogué $\frac{7}{90}$, de format petit in-4° et recouvert en parchemin. La première page porte cette suscription : *D'un registre en parchemin de la Cour de parlement de Rouen contenant plusieurs cérémonies et délibérat. de la dite cour a été extrait ce qui en suit :*

A la page 95 se trouve une relation des obsèques et funérailles de Villars.

Peut-être ce manuscrit serait-il une copie des registres du parlement appelés *Registres en parchemin* et *Livre des cérémonies* qui depuis longtemps n'existent plus dans nos archives judiciaires. Souvent il y est renvoyé, et dans les registres secrets sous la date du 31 août 1595, où il est fait mention des funérailles de Villars, une note finale ajoute : « Ce qui s'est fait a été porté sur le livre séparé intitulé : *Livre des cérémonies* (1). »

La manière de procéder de notre auteur n'est pas unique. M. Albert Sarrazin, dans son intéressante

(1) Note communiquée par M. Gosselin. En marge de l'arrêt de réception de Villars comme amiral de France, rendu aux audiences civiles le 10 mai 1594, on lit encore : « N° Que ce présent arrêt et copies de lettres sont transcrits *au registre en parchemin* au ving sept^e jour de mai 1594 par ce qu'il n'avoit été dressé en temps et lieu.

introduction à l'abrégé d'un journal historique de Rouen, signale un fait pareil (1).

Indépendamment de la relation même du cortège, le manuscrit de la Bibliothèque de Rouen contient plusieurs délibérations du parlement relatives à l'ordre que la cour suivra pour se rendre aux funérailles et à la manière dont elle recevra le deuil en la chambre du conseil. Elles montrent une fois de plus le parlement, jaloux de ses prérogatives, régler le cortège, déterminer les *chaires* hautes que ses membres occuperont à la cathédrale, prendre toutes les mesures nécessaires pour empêcher que MM. de la chambre des comptes « comme se disant érigés et institués à l'instar de la chambre des comptes de Paris, » ne veuillent marcher à côté de Messieurs de la cour du parlement. Il se rappelait sans doute ses démêlés à Caen, avec les membres de cette juridiction (2).

Il existe encore une autre relation manuscrite des funérailles de Villars conservée aux archives du département de la Seine-Inférieure. Elle commence ainsi : *Ordre tenu à l'inhumôn du deffunct s^r admiral depuis les célestins jusques à Nre-Dame*. Plus courte que la relation du *Discours véritable*, elle en diffère notablement et nous fournit des détails qui font défaut dans le récit imprimé.

(1) Abrégé d'un journal historique de Rouen. Introduction, page VIII.

(2) Floquet, *Hist. du parlement de Normandie*, III, p. 501.

Il en a été publié un très court extrait par M. Deville dans ses tombeaux de la cathédrale de Rouen (1).

Une autre pièce, qui se trouve également aux archives du département, nous confirme une des énonciations du *Discours véritable*.

C'est la grosse d'un acte reçu le 4 septembre 1595 par M^{re} Abraham Théroulde et Joachim Le Myre, tabellions royaux à Rouen, aux termes duquel Messire Georges de Brancars, chevalier de l'ordre de S. Jean de Jérusalem, gouverneur pour le roi en la ville Françoise de Grâce, fait donation à l'Eglise Cathédrale d'une somme de 1,000 écus sol une fois payée, pour la fondation de deux *obits* à dire en la forme ordinaire, l'un la vigile de S.-Jacques, 24 juillet, jour de la mort de l'amiral, et l'autre le cinq septembre jour de son inhumation. Par le même acte il était encore fait donation d'un ornement : « A scavoir : un grand drap de corps de velours noir, avec la croix d'argent, cinq chappes de velours, l'une aux orfrais (2) de thoilles d'argent et les quatre autres de satin blanc et trois de damas noir parsemées de damas blanc, le tout enrichy des armoiries de feu mond sieur l'admiral. »

Des renseignements précieux sur les funérailles de Villars nous ont encore été conservés dans les *Registres*

(1) 2^e édit., p. 178.

(2) On appelle ainsi : « Une broderie riche d'or ou de soie qu'on met sur les bords d'une chappe ou pluvial, d'un parement d'autel. » *Dictionnaire de Trévoux*. V^e Orfroi.

des délibérations de la ville (1) et dans les *Registres capitulaires* de la cathédrale (2).

Aussi, comme complément au *Discours véritable*, nous donnons, à titre d'appendice, la partie du manuscrit $\frac{Y}{90}$ qui diffère de l'opuscule que nous réimprimons ; la relation conservée aux archives départementales et les extraits des *Registres des délibérations de la ville* et des *Registres capitulaires* dont nous venons de parler. Nous espérons que la réunion de ces divers textes ne sera pas sans intérêt.

Quant au corps de Villars il fut déposé en la chapelle de la Vierge, dans un petit caveau qui en occupe le centre (3).

Le *Discours véritable* nous apprend que les armes et trophées qui avaient servi aux funérailles furent suspendues dans la cathédrale, non loin de l'endroit où avait été inhumé Villars « le tout en attendant la construction d'une belle et superbe sépulture que ledit sieur Chevalier d'Oyse a délibéré d'y faire en bref. »

L'intention du frère de l'amiral a-t-elle été mise à

(1) Archives municipales. Registre des délibérations de la ville.
— Lettre A, tome 21.

(2) Archives de la Seine-Inférieure. Plumitif du Chapitre de la cathédrale de Rouen, C. 2179.

(3) Deville. Tombeaux de la cathédrale de Rouen, page 277, 2^e édit.

exécution ? Antoine de Lamare, dans ses *Éloges* de la ville de Rouen, s'exprime ainsi :

D'icy faut aller voir le beau chœur, quoi que gise
En celieu mesme encor l'Admiral de Villars
Dit André de Brancas, on voit aux Estandarts
Et aux armes pendu's, que ce Seigneur repose
Sous ces marques d'honneur sans qu'on voye autre chose,
Pour enseigner l'endroit où repose son Corps
Qui méritoit l'honneur d'un beau sepulchre alors (1).

La première édition des *Éloges* de Rouen parut chez Nourry en 1667, c'est-à-dire soixante ans après les funérailles de Villars. De la comparaison de ces deux récits, du rapprochement des dates nous avons conclu qu'aucun tombeau n'avait été élevé à l'amiral et qu'on n'avait point à regretter une de ces victimes des déceptions capitulaires des 16 août et 13 septembre 1769 dont parle M. Deville (2).

(1) Les *Éloges* de la Ville de Rouen en vers latins et français, par Antoine de Lamare de Chesnevarin, Pierre de Lamare de Durescu son fils, et Pierre Grognet, publiés par M. Frère, page 30 (réimpression des Bibliophiles Normands).

(2) Tombeaux de la cathédrale de Rouen. Avant-propos, p. 11.

L'autorité de M. Deville, qui est si grande en pareille matière, nous confirme encore dans notre opinion. Voici en effet ce qu'il avait l'obligeance de nous écrire le 14 avril 1873 :

« Aucun mausolée n'a été élevé à aucune époque dans l'église cathédrale de Rouen, à Villars. Son corps fut descendu purement et simplement dans un caveau creusé au centre de la chapelle de la Vierge, où conduisaient plusieurs marches. Le cadavre y fut

L'endroit où avait été inhumé l'amiral de Villars avait été complètement oublié.

Il fut retrouvé par hasard.

Le *Flambeau astronomique* pour 1739 nous apprend que le 12 décembre 1738 fut découverte la sépulture de l'amiral, en inhumant, dans la chapelle de la Vierge, M. l'abbé Ravyot de la Villette. « Le corps de mon dit « sieur de Brancas, dit le rédacteur du *Flambeau* (1), « fut trouvé entier, sans aucune putréfaction, la chair « ferme, un peu bise, les bras étendus sur le corps qui « est de plus de cinq pieds et demi, les ongles longues, « le visage grand, bien fait, le col long, les yeux fer- « mez, la bouche un peu ouverte, deux crocs de barbe « brune au visage, de quatre pouces de long au menton, « les cheveux de même couleur, une marque noire au « visage, les dents fort blanches et fort assurées. Son « corps étoit enveloppé d'un suaire seulement, d'une « toile un peu brune. Il y eut une personne qui en « coupa un petit morceau, il le savonna et la toile de- « vint blanche et belle comme si elle eut été neuve et « on ne put la déchirer. On a refermé le cercueil et « recouvert le caviot qui a huit marches pour y des- « cendre et peut contenir encore trois corps. »

Les ornements qui servirent aux funérailles de découvert par hasard en 1738. Rien n'indiquait extérieurement plus qu'aujourd'hui l'existence de ce caveau et la sépulture du capitaine. »

(1) Page 260.

Villars parèrent la cathédrale dans d'autres circonstances, notamment lors des cérémonies observées au service de Louis XIII. « Le grand autel était paré, haut
« et bas, nous dit un historien de la cathédrale de
« Rouen, des ornements de velours noir croisez de
« satin blanc de feu M^r l'amiral de Villars et les
« armes diceluy sieur couuertes de celles de France et
« de Navarre (1). »

Enfin en terminant cette notice dont la longueur est le moindre défaut, qu'il nous soit permis d'espérer que d'autres, plus heureux que nous, pourront découvrir quelques renseignements sur M. Rolland, sieur du Plessis, le signataire de la Dédicace au duc de Montpensier et l'auteur présumable du petit livre qui nous occupe.

(1) Dom Pommeraye. *Histoire de la cathédrale de Rouen*, chap. XX, p. 669.

DISCOVRS

VERITABLE

DE LA MORT, FVNERAI-
LES ET ENTERREMENT DE DEF-
funct Messire André de Brancas, en son viuant
Cheualier Seigneur de Villars, Cōseiller au Con-
seil d'Estat & priué du Roy, Cappitaine de cent
hommes d'armes de ses ordonnances, Gouver-
neur & Lieutenāt general pour sa Majesté, és vil-
les & Bailliages de Rouen, Caux, Haure de grace
& Admiral de France.

Auquel est traité succinctement du mépris des choses du
monde, & de l'vtilité qui vient de la meditation
de la mort & choses dernieres.

*Dedié à Monseigneur le Duc de Montpensier
par N. R. Sieur du Pleffis. P.*

Consummatus in breui, expleuit in tempora multa, placita enim
erat deo anima illius, propter hoc properauit educere illum
de medio iniquitatum, Sap. 4.



À ROUEN,
Chez Richard l'Allemant, au portail des Libraires
M. D. XCV.
Avec privilege.



A MONSÉIGNEVR,

Monfeigneur le Duc de Montpenfier , Prince de
Dombes, Païr de France, Gouuerneur & Lieu-
tenant General pour le Roy en Normandie.

Monfeigneur ,
Après auoir dressé ce petit discours,
ie n'ay pas eu beaucoup de peine à
luy trouuer vn patron & protecteur, ayant
aussi tost ietté l'œil sur vostre excellence,
& recongneu que vous estant vn grâd &
digne Prince, yssu de la plus noble & Catho-
lique race du monde, qui est celle de S.
Loys, duquel vous & voz ancestres auez
tousiours suyui l'exemple, ie ne le pouuois ny
deuois adresser a autre qu'à vous, pour trois

raisons principalement, La premiere est, pour le grand reng que vostre dite excellence tient en ce Royaume : non seulement en qualité de prince du sang Royal, mais aussi de Lieutenant General pour le Roy au gouvernement entier de tout ceste grande, riche, & fertile Prouince de Normandie. La deuxiesme, pour ce qu'estant feu Monsieur l'Admiral de Villars, Gouverneur & Lieutenât de sa Maiesté, en vne portion de la dite Prouince sous vous, & par conséquent vn de vos principaux serviteurs, & comme l'vn de vos membres. C'est biē raison a present qu'il est deffunct, que son honneur et sa gloire (pour laquelle ce discours à esté faict,) depende aussi de la protection de vostre autorité. Tiercement, pour la grande affection que le deffunct à eue a vostre seruice, non seulement a cause de vos vertus & merites, mais aussi par obligation de l'amitié que vous luy avez portee, & faict paroistre en plusieurs occasions, tant aupres du Roy qu'ailleurs, iusques à l'offre de vostre personne propre, quand vous avez creu qu'il en eu besoin : de quoy (s'il eust vescu) il n'eust iamais

esté ingrat. Mais parce qu'estât preuenü de mort, il n'a point eu le moyen de vous rendre le seruice qu'il desiroit, il est bien conuenable, que tous ses, amis & seruiteurs suppleēt à son deffaut, & vous continüent vne semblable affection & deuotion (comme ils font tous de tres-bon cœur,) croyans fermement, que par vostre bonté & courtoisie vous leur ferez aussi cest honneur, de leur continuer vostre amitié, & beneuolēce, & ne desdaignerez point de receuoir ce Discours, (dresé en faueur du-dict deffunct) affin que tout ainsi comme vous l'auez (durāt sa vie) aymé & deffendu contre tous ses contraires, vous en faciez pour le moins autant apresent qu'il est decedé, & a respādu son sang & sa vie au liēt d'honneur, combatant vaillamment pour le seruice du Roy, & la deffence du Royaume, contre les ennemis de la Frāce. Et pour mon particulier, ie supplie tres-humblement vostre dite excellence, d'auoir agreable ma bonne volonté, par laquelle i'ay esté induit à m'acquitter de ce deuoir, pour l'obligation que i'ay à la memoire

dudict Sieur deffunct, duquel i'estois seruiteur,
 & auois l'honneur d'estre aymé pendant qu'il
 a vefcu. Je prie Dieu.

MONSEIGNEVR,

Qu'il vous donne en toute prosperité &
 grandeur, l'accomplissement de vos saints
 defirs. A Rouen, le septième iour de Sep-
 tembre, Mil cinq cens quatre vingts cinq.

Vostre tref-humble & tref-obeissant ser-
 uiteur, N. R. Sieur D. PL.

❧ EXTRAICT DV

PRIVILEGE.

PAr Ordonnance de Monsieur le Bailly de Rouen ou son Lieutenant General audit Bailliage, en datte du vingt neuſieme du mois d'Aouſt, mil cinq cēs quatre-vingt quinze. Après auoir veu le preſent Diſcours : enſemble la certificatiō de Monsieur l'Official & grand Vicaire de Monſeigneur l'Archeueſque de Rouen, en date deſdits iour & an. Il eſt permis à Richard l'Allemant, libraire & Imprimeur de ladite ville, d'Imprimer ou faire Imprimer ledit Diſcours, faiſt ſur la mort, funerailles & enterrement, de feu Monſeigneur l'Admiral de Villars. Et defendu à tous autres Imprimeurs & libraires, de l'imprimer, ou vendre, ſans le congé & conſentemēt dudit l'Allemant, iuſques à deux ans, ſur les peines accoſtumees.

Signé,

CAVELIER.

Aagé de trentre quatre Ans.



**Icy est le pourtraict de l'Admiral de France,
Qui, sçeut battre assaillir, & deffendre guerrier :
L'ennemy, vne ville, vn pays tout entier,
La terreur des meschans, & des bons l'assurance.**

Sizain sur le meſme pourtraict.

CE n'eſt pas l'Art d'apelle , ou le ſubtil
Pinceau

Qui ont peinct ce pourtraict , ſur ce riche
tableau .

Vn corps, vn tel Eſprit, vn cœur, un tel
courage

Auguſte, ingenieux, inuincible & cōſtant .

N'eſt peint que par vn dieu, qui ſeul nous
va traceant

Cæſar, vliffe, hercul, Iaſon dans cet imaige.

Sur le meſme, double Sizain.

O beau tombeau, o bel ouurage,

O beau pourtraict, o bel Imaige,

Puiſque noz yeux y peuuent voir,

Les dieux y tenir mainte place,

Ou loge leur diuine grace,

Beauté, maintien force & ſcavoir .

De mars y paroift le courage,

Depeint tout autour du viſage,

Et de Iupin la maieſté .

Le fleuve de mercur encore,

Ioignant les beautez de l'aurore,

Y decoulle hyuer & eſté .

TOMBEAU DE
FEV MONSEIGNEUR DE
VILLARS, ADMIRAL DE FRANCE,
& Lieutenant General pour le Roy, aux
Bailliages de Rouen & Caux.



*Onques ie ne ſçay comment,
 Ce tourment,
 Qui ſans ceſſe me tallonne :
 Pourra terminer le cours
 Des ſes iours,
 Dont le ſeul penſer m'eſtonne.
 Si ne faut-il pas pourtant,
 Halletant,
 Perdre courage & halleine :
 Mais ſe roidir au malheur,
 " Vn grand cœur
 " Se congoiſt ou giſt la peine.
 Je vais donc de tous coſtez
 Aux Citez
 Aux Bois, Monts, Vallons & pleines :
 Dans les antres plus mouſſus
 Et boſſus,
 Sur les Eauës, & les Fontaines.*

La tout pantois ie criray
Et prieray,
Meinte & meinte creature :
D'approcher deuotement,
Saindement,
Ceste riche Sepulture,
Que i'ose bien vous chanter
Et vanter,
Plus qu'vn riche Manfolee :
Qu'Artemise fait porter
Parmi l'Aër,
(Pauvre Royne desolée.)
Qu'vn tombeau Egiptien
Ancien,
(Merueille iadis du monde :)
D'autant que c'est de l'amour
Le seiour,
Et la Corne ou tout abonde.
Muses donc venez icy,
Mon soucy,
Espandre voz tendres larmes,
Arrousans de voz beaux yeux
Gracieux,
La fleur, honneur de noz Armes,
Cessez toutes vos chansons,
Vos fredons,
Ne mignardez plus de la lyre :
Mais venez toutes en deuil
Au cercueil :
Chantans vn air qui soufpire.

Vous verrez comme Atropos
 (Sans repos)
 Si qu'yne ourse sanguinaire :
 A rauï le grand villars
 De noz bras
 L'infidelle meurdriere.
 Dont le corps gift au meillieu,
 De ce lieu,
 L'as nauré dautant de playe
 Que donna Brutè à Cæsar
 D'vng poignard
 Ou par tout le sang ondoie.
 Las quelle desloyauté
 Cruauté,
 D'arracher ainfi la vie :
 Ha, parque ton naturel
 Si cruel,
 Nous porte par trop d'enuie.
 Fille du Lac Stigieux,
 Qui sans yeux,
 Cours sur la Terre & sur l'Onde :
 N'ayant esgard ni au sang
 Ny au rang,
 Tu foudroyes tout le monde.
 Que s'il faut ainfi mourir
 Sans meurir,
 Pour le moins deuiez de grace :
 Luy permettre que le cours
 De ses iours,
 Fust borné de plus d'espace.

Or diuin troupeau des bois
 Oy ma voix.
 Et vous Nymphes forestieres :
 Vous qui decoulez les Eaux
 Par ruisseaux,
 Soyez icy des premieres.
 Que les canaux de vos yeux
 Amoureux,
 Versent à iamais des larmes :
 Que tousiours ceste liqueur
 Par bonheur,
 Arrouse la fleur des armes.
 Emplissez en voz Iardins
 Vos coffins,
 Des plus belles fleurs encloses :
 Ou le nom d'Aiax soit leu
 Recogneu,
 Entre les Lys et les Rosés.
 Ainsî couuertes de deuil
 D'un linceuil,
 Ayans la teste voilee :
 Vous viendrez clorre ses yeux
 (Ses beaux yeux,
 Plus que la voute Estoillée.)
 Les sospirs, sanglots & pleurs
 En vos cœurs,
 Ayans survi cest office :
 Espancherez tost apres
 Tout expres,
 Ces fleurs pour vn sacrifice.

Affin que dans ce Tombeau,
 Riche & beau,
 N'habite la pourriture :
 Que ce grossier Element
 Soit de vent,
 Ayant mué sa nature.
 Que rien n'oste le repos
 A ses os.
 Mais que tout soit pacifique :
 Ou si l'on y oit du bruit
 Jour & nuit,
 Que ce soit d'une Musique.
 Tous sauvages Animaux,
 Qui aux eaux,
 Qui aux monts, aux belles plaines :
 Qui par l'aër, hostes viuez
 Esleuez,
 Vn chant digne de nos peines.
 Et vous monts vallons & bois
 D'une voix,
 Et vous Roches plus cornuës :
 Monstrez que par cest effort
 De la mort,
 Vous auez esté fenduës,
 Et vous les quatre Elements
 Et vous vents,
 Et vous courtine azurée :
 Et vous radieux flambeau
 Clair & beau,
 Et vous perruque argentee,

Tefmoigner par vn Cahos
Lourt & gros,
Par vne horrible tempefte :
Par voꝝ rayons Eclipfeꝝ
Et poiffeꝝ,
Que chacun ce mal detefte :
Bref tout ce qui eft autour
De ce tour,
Face preuue de trifteffe :
Et monftre que iour & nuit
Ceft ennuit,
Au cœur luy roulle fans cefse.
Et vous tous fes bons amis
Infinis,
Vous remettant en memoire :
Le deuoir deu à l'honneur
D'vn Seigneur,
Dont par tout reluit la gloire.
Sans vous donner l'efperon
Du tallon,
De ma plumette efforée :
Confits de pleurs et de crys
Et d'ennuis,
Suyurez la troupe exploree.
Mais toy qui as cest honneur
Et cet heur,
D'eftre yffu de cefte race :
Race vrayement du Dieu Mars :
Car Villars,
Ce mot fonne en mefme grace.

Toy fon tout & fon germain
(Dont la main,
la defia en a faid preuue.)
Calme un peu ceste fureur
De ton cœur,
„ Tant se fascher DIEV n'appreue.
Iupiter eftant ialoux
Que nous tous,
Iouissons d'vn bien fi rare :
La mis au nombre des Dieux
Dans les Cieux.
„ D'vn tel Or on n'est auare.
Commandant, que tout veftu
De vertu,
L'on t'appelle en ceste place :
Affin qu'vn fi beau renom
Par ton nom
Iamais de nous ne s'efface.
Après tout cest appareil
Nompareil,
Moy fon feruiteur fidelle :
L'inuoqu'ray de tout mon cœur
Le Sauueur,
Qui le prene en fa tutelle.
Pluftoft faillira le iour
A l'amour,
Et Phæbus à la lumiere :
Que la grand deuotion
De fon nom,
De mon cœur se tire arriere.

*Et tant que le beau Soleil
 De son œil,
 Rendra fertile la Terre :
 Autant puissent les Lauriers
 Printanniers,
 Et le verdoyant Lierre,
 Vmbrager de toutes pars
 Bien espars,
 Ceste belle sepulture :
 Ou est enclos seurement
 L'ornement,
 Et le Threſor de nature.*

FIN.

Quadrain.

Excuse , mon Villars, vn ſi mauuais eſcrit
 Que bien hūble i'appen aux pieds de ton Image :
 Las ! i'euffe biē voulu, faire vn plus riche ouurage
 Mais la mort par ta mort m'a defrobé l'Eſprit.

Labrando requieſcam.

G LEMARIE' VE'THOLIEN.



A Monsieur Rol. Sieur du Pleffis, Au-
theur du present Discours.

Le monde est vn Theatre, ou chacun va iouant
Son Rollet bien appris qu'il a dés sa ieunesse :
L'vn iote d'un grand Roy la pompe & la richesse,
Et l'autre vn Nautonnier qui met le voile au vent.

Cestuy est vn Berger, & cet autre vn Marchant :
L'un est vn Cappitaine, & l'autre par adresse
Devient vn bon soldat cet autre de paresse
Languit en pauureté, qui l'accable souuent.

Mais par ton bel Esprit (le Pleffis) tu enseignes
Lu'un bien plus docte ieu, ces belles sœurs compaignes
T'ont appris à ioter, bastissant ce Tombeau :

Car lart ingenieux, & la docte fabrique
Dont tu nous las basti, deffira, magnifique,
Le Feu, le Temps, la mort, Charon & son Batteau.

G. L. M. V.



DISCOVRS VERITABLE

SVR LA MORT, FVNERAILLES,
ET ENTERREMENT DE DESFVNCT

MESSIRE ANDRÉ DE BRANCA, EN SON

*viuant Cheualier Seigneur de Villars, Conseiller au
Conseil d'Estat et priué du Roy, Cappitaine de cent
hommes d'armes de ses Ordonnances, Gouverneur &
Lieutenant general pour sa maieslé, és villes & Bail-
liages de Rouen, Caux, Haure de grace, & Admiral
de France.*

DE ne me fuis pas promis en escriuant ce
Discours lugubre & lamentable, de le rendre
aggreable a tous ceux qui le liront. Sachant
bien que les aduis & jugemens des hommes,
font autant ou plus differens que leurs goufts & appe-
tits, principalement en ce tēps auquel plusieurs se
licentiēt non seulement de contredire, mais aussy de
blasfmer & mesdire d'autruy voire des plus sages &
vertueux.

C'est pourquoy ie tiens pour asseuré, que beaucoup de
persōnes ny prendront pas grand plaisir ; mais par

deffus tous autres, ie mattends que les mondains voluptueux, iouiffans de leurs plaisirs, l'aurent à grand contre-cœur. Pour ce que estans plongez & comme enyurez de toutes fortes de dilices & luxures charnels, riē ne leur peult estre plus ennuyeux que d'ouyr parler de funerailles, de la mort, du iugement de Dieu, des peines d'enfer, & de tout ce qui en despent : dautant que telles meditations & discours les trauaillent, & troublēt leur repos & plaisir. O mort (diēt le saige) que ta memoire est rude & amere, à l'homme qui iouit en paix de ses biens & delices mondains.

*O mors, quā
amara est me-
moriam tuam, ho-
mini pacem ha-
biti in substan-
tijs fuit, Ec-
clesia. 14.*

*Edamus, bibe-
mus, cras omnes
moriemur.*

*Esay. 22.
Sap. 2.*

*1. Non sit
pratiū quod non
pariter fiat lu-
xuria nostra hac
est pars nostra.
Sap. 2.*

*2. In labore
hominū nō sūt
idē tenuit eos
superbia.
Psalm. 72.*

*3. Ducunt in
bonis dies suos
& in puniō ad
inferna descen-
dunt.*

Iob. 21.

Telles gens ne veulent ouyr parler que de ioye de musique, de farces, cōmedyes, festins, banquetz & mascarades, ce sont ceux qui disent, mangeons, beuons, nous ne scauons combien nous viurons, & peult estre que nous mourrons demain. Et pourtant quil n'aye prairye, qui ne soit souillee de nostre desbauche & luxure, car en cella est notre portion, & contentement. Et ainsi ne goustans point laigreur des trauaux & afflictions humaines, deuient superbes & orgueilleux. Et passans tout le cours de leur vie en prosperité, en vn moment ils descendent aux Enfers.

Pour ce que Vsans ainsi immoderēmēt des delices & vanitez du mōde, ils tiennent le grād chemin de L'atheisme, se mocquent de toutes choses, & pouffent (comme l'on diēt) le temps à l'espaule, ne se soucians (nomplus que bestes) sinon du present, sans apprehension de l'aduenir.

Et d'autant qu'ils sont noyez, en la profondeur du gouffre de corruption, duquel ils ne se peuuent releuer, pource qu'ils ne le veullent pas, ils tombēt en sens reprouuē, & refuyent tout ce qui peut seruir à leur cōuersion, comme est la memoire de la mort, & des choses dernieres.

Eucritus chius interrogé lequel il aimeroit mieux estre, ou Cresus, ou Socrates, respondit que s'il luy estoit loysible de souhaitter, il voudroit viure comme Cresus, & mourir comme Socrates. Mais cela est comme impossible, & n'aduient quasi iamais : Car pour bien mourir, il est necessaire de bien viure : La fin des hommes (dict l'Apostre) sera selō leurs œuvres. C'est pourquoy Musonius disoit que pour bien mourir, il falloit bien viure : & pour bien viure, il falloit souuent penser à la mort : & ainsi s'accomplira, par vne belle consequence & gradation, le prouerbe (qui dict) de bonne vie bonne fin.

Souuenez vous (dict le faige) des choses dernieres, & iamais vous ne pecherez. Les choses dernieres sont la mort, le iugement de Dieu, la gloire de paradis en retribution du bien, & les peines d'enfer en punition du mal : desquelles les mōdains ne veullent point (comme i'ay dict) ouir parler pource qu'ils ne veullent point se corriger, & conuertir à bien faire.

Or ie n'entens point (a verité) escrire pour telles gens, mais seulement pour les bons & fidelles chrestiens lesquels sçauent vser du monde moderement : ce sont

Finis hominum, erit secundum opera ipsorum.

2. Cor. II.

Memorate nouissima, & in aeternum non peccabis.

ceux la, que ie inuite à la lecture du presēt discours pource que seuls ils y peuuent faire proffit, & en tirer de l'edificatiō, par une contrepoincte ou antithese de leur vie & meurs à celles des mondains : lesquels reiettent les croix et tribulations, que tous les bons chrestiens recoiuent & embrassent en toute patience, comme vrays moyens de leur salut.

Car les mondains font grande chere, & font tousiours en banquet : les autres s'en retirent & s'en priuent volontairement, ieusnent souuent & macerent leurs corps en satisfaction de leurs pechez. Ceux la ayment la musique lidiene charnelle, & delicieuse : les autres aymēt la doriene qui font les chantz des cantiques, hymnes, & psalmes qui se chantent en l'Eglise à la louange de Dieu. Ceux la ayment les danfes ieux farces, comedies, et la lecture des fables, et liures lubriques : ceux cy aymēt les sermons, & predications de la parole de Dieu, la lecture de l'escriture saincte, ou des hystoires des saints, & autres liures pieux & de edificatiō. Ceux la ne veullent ouyr parler q̄ de r̄re & de viure en peché, ceux cy desirēt pour s'en retirer d'ouyr parler de la mort et des choses dernieres.

*Elegi abiectus
esse in domo
domini, ma-
gis quā habitare
in tabernaculis
peccatorū.*

Psal. 83.

Malus est ira

Ce que considerant le prophète & Roy Dauid, disoit qu'il aymeroit mieux viure abiect en la maison de Dieu, que d'habiter es tabernacles des pecheurs & le Saige (disoit aussi à ce propos) qu'il estoit meilleur de frequenter en la maison de pleurs & d'affliction, que en celle de ioye & de banquetz. Car la mort ou afflictio

d'autrui, nous sert de miroir, pour y voir & contempler noz infirmités, & nostre propre mort, & par la meditation d'icelle, nous contenir en vne vie reiglee.

C'est le profit que les saiges en doiuent faire, & non pas s'en effrayer ou desconforter, & se relascher en des pleurs & lamentations indiscrettes & immoderees, comme font plusieurs inconsiderément.

Car tout ainſy comme s'est folle (dit Seneque) de craindre ce que l'on ne peult euitier. C'est aussi grande imprudence, de plorer desmesurément, celui que l'on ne peult recouurer n'y resusciter.

Alexandre le grand ayant aualé vne forte poyſon, & se sentant frappé à la mort, Comme il entendit vng des siens plorer & lamenter, l'appella à luy, & le reprint aigrement et grauement, luy remonſtrât que ce n'estoit pas se gouuerner en homme saige, d'ainſi se desconforter, veu que c'estoit chose commune de mourir, mais pluſtoſt debuoit faire profit de ſa mort, pour se preparer couraigeuſement à la ſienne.

La mort est la marque & punition du peché, & de la malediction encouruë par le premier homme, & toute ſa poſterité en conſequence, de laquelle perſonne n'est exempt, non pas le plus grand Roy du monde : & partant nous debuons croyre, que nous n'en eſchapperōs pas. La palle mort (diſt le poëte) frappe d'vng meſme pied, aux maiſonnètes des pauvres, tout ainſi qu'aux chasteaux & maiſons des Roys. Il n'y a difference que du temps, eſtant aux vns plus haſtiue, aux autres plus

*in domibz habitus
quam ad domibz
conuiuij. Eccle-
ſiaſtes. 7.*

*Stultum eſt
timere quod vi-
tare non poteſt.
Senece.*

*Pallida mors
aquo pulſat
pede, pauperū
tabernas, re-
gnum que tur-
res. Horat.*

tardive, sans que le ieune aye assurance de viure plus longtemps, ou apres vn plus vieil que luy. Car encores que naturellement le vieil doibue passer le premier, si est-ce que par infiniës occasions, les ieunes vont fouuent les premiers, & sont plustost saïs de la mort suyuant les proverbes (qui disent) il meurt plus de ieunes que de vieux : & tel pèse estre biē sain qui porte la mort en sō sain. Et fuyuāt ce (dit S. Bernard) que la mort est à la porte des vieux, & en embusche aux ieunes. Et pourtant (disoit Senecque) puisque l'hōme est incertain, du lieu auquel la mort lattend, ie suis d'aduis qu'il l'attende en tous lieux. Et luy mesme en l'Epistre vingtquatrième dict que nous mourons tous les iours, & chascun iour se retranche vne portion de nostre vie; & desmaintenant quand nous croissons nostre vie descroist, & le iour mesme auquel nous viuons, se partit & diuise entre la mort & nous.

*Senibus mors
est in Ianuis
iuuenibus au-
tē, in infāijs
Ber.*

*Quia incer-
tum est quo
loco te mors
expectet, tu
illam in omni
loco expecta.
Senec. Epist.
26.*

*Quotidie mo-
rinur, quoti-
die demitur ali-
qua pars vite,
& quoque cum
crescimus vita
dedescit, &
hunc ipsū quem
agimus diem cū
morte diuidi-
mus Senec.
Epist. 24.*

Contre la mort (disoit Epicure) il ny à rien d'asseuré, on meurt en Aphrique comme en Europe, & en Asye comme en Aphrique : bref la mort est par tout le monde, & contre la mort ne se peult faire Cité, rempart, n'y forteresse qui nous en garantisse.

L'empereur Constantin festoyant un iour Hormisdas Roy de Perse, luy loüoit la ville de Rome, & racontoit toutes les excellēces qu'il sçauoit estre en laditte ville. Ce Roy luy demanda si les hommes d'icelles estoient immortels, & si on mouroit à Rome comme aux autres villes. Et comme il luy eut respōdu qu'on y mouroit

comme ailleurs, & pourquoy (dict il) me faictes vous donc tant de cas de vostre ville de Rome, en laquelle il ne peult rien auoir de beau & d'excellent, que nous ne puissions recouurer ailleurs.

C'est donc chose vulgaire que de mourir, mesmes (comme dict le poëte) nous mourons en nayssant, & nostre fin depēd de nostre origine. Les Roys les Princes, les grands, les petits, les plus pauvres esclaves du monde, ont la naiffāce, le viure, & le mourir l'vn cōme l'autre. Mais on n'a pas la grace ou credit, de bien & honorablement mourir. Et c'est à quoy (dit Seneque) estudient les gens de bien. Nous naiffons (dit le mesme) tous d'une mesme sorte mais nous mourōs diuersement.

I'ay faict ce petit auant propos, fort conuenablement sur le subiect qui se présente, pour l'instructiō de plusieurs qui en ont besoin, & affin de disposer le lecteur, à lire Chrestienement & avec attention le present discours : & aussi pour consoler ceux qui pour quelque consideration que ce soit, publique ou particuliere, ressentent de l'affliction & douleur en la perte ou mort de ce braue Seigneur duquel i'ay à parler, lequel est deceddé de ce monde, en la fleur de son age, presque au commencement de son aduancement, & auant qu'il ayt eu le moyen de mettre en œuvre, au bien & vtilité du Roy & de toute la France, les excellentes vertus & graces, desquelles Dieu l'auoit enrichy ; quil nous auoit comme estallees & exposees en monstre, nous donnant à cognoistre par vn eschantillon dicelles, que sil eust

*Nascens mori-
mur, Finis-
que ab origine
pendet.
Manil in
Astrono.*

veſcu vne douzaine dannees plus quil na fait, il ſe fut rendu vng des plus dignes & capables Capitaines, qui euſt eſté en ſon temps : eſtât garny des outils propres à biē ordōner & cōmāder. Car il auoit vne prōpte imaginatiō : vng ſens & iugement poſé et raffis : vne grande diſcretion, meſmes en parolles : vne forte & puiſſante voix : vne beauté de viſage fort virile : & ſur tout vne facon graue & honorable, quil le faiſoit reſpecter & ſi bien obeyr, que de ſa ſeule parolle, il contenoit toutes choſes en eſtat, & chacun en ſon deuoir ſans acception de perſonnes.

Mais cela a eſté remarquable en luy que nonobſtant cette grauité, il eſtoit en ſon particulier tresfacile & familier : fort reſpectueux de la nobleſſe & des gens d'honneur, & du naturel le plus doux & gracieux qu'on euſt ſçeu deſirer. Tendant les bras à toutes perſonnes, & foullaigeant tous les affligez en ce temps miſerable : nullement ſubiect aux flatteries, n'y à croire de leger. Au ſurplus fort liberal, grand auſmonier, & amoureux de ſes ſeruiteurs & domeſtiques, leſquels ont (à la verité) beaucoup perdu à ſa mort.

En oultre toutes ces graces il en auoit trois trefexcellentes : la premiere qu'il eſtoit fort grād catholique, craignant Dieu, & aymant ſa religion, la deuxiēme, qu'il eſtoit fidelle en ſes promeſſes : la troisiēme il auoit le cœur fort genereux, reſolu aux perils, homme ſans peur & vaillant de la main.

Ce ſont en gros les rares vertus de ce deſſunct Sei-

gneur duquel nous auons à parler, & dōt ie puis dire (auec le faige) que estāt mort en ieune aage il auoit acquis la perfection d'un vieil homme, & acomply ce que vn autre n'eust pas faict qu'e beaucoup de tēps, son ame estoit plaifante & agreable à Dieu, & pourtant il c'est hasté de le tirer hors du monde, & du milieu des iniquitez. C'est dis-ie ce Seigneur que Dieu nous à comme rauy au besoin de toute la France, par vn iugement supernaturel et incomprehenfible. C'est un esclat de sa prouidence et saigesse infinie, ou nous ne cognoissons rien : soit que Dieu (pour sa feuille gloire) en quelque chose incongneuë l'aye voulu ainsi ordonner : Ou soit pour le profit particulier du deffunct & (cōme dict le Saige) s'estāt rendu agreable à Dieu & viuāt entre les pecheurs il a esté transporté & rauy, de peur que la malice & fiction de ce siecle, ne le deceust & lui changeast la volonté. Ou bien que pour nostre propre punition, Dieu nous aye voulu priuer, de layde & secours d'un si digne personnaige, comme de tant d'autres illustres et vaillans hommes, qui depuis nagueres sont decedez, lesquels estoient certainement les vrais protecteurs & rempars de la France : suyuant le dire du prophete, menaceant le peuple de Dieu de sa part, de le priuer & luy oster les bōs & fors Cappitaines, & de le destituer de toute son aide & deffence.

Or quoy que ce soit, il ne nous appartient point d'en murmurer aucunement, ains il conuient nous assubiectir & obeir à la volonté de Dieu : faire nostre profit

*Confirmatus
in breui, ex-
pleuit tempora
multa, placita
enim erat deo
anima illius,
propter hoc pro-
perauit educere
illum de medio
iniquitatum.
Sap. 4.*

*Placens deo
factus est dilac-
tus & viuens
inter peccatores
translatu est,
raptus est ne ma-
litia mutaret
intellectu eius,
autne factio de-
ciperet animam
illius. Sap. 4.*

*Auferam a
Hierusalem &
a Iuda vali-
dum & forte.
Esay. 3.*

*Scrutator
maiestatis op-
primetur d glo-
ria. Prouerb.
21.*

*Quis adiuuit
spiritum domi-
ni, aut quis
fuit confiliarius
eius. Eysa. 40.*

de tout ce qu'il luy plaist ordonner, & l'en glorifier sur peine d'estre reputez temeraires, & d'écourir son ire, en voulant trop curieusement enquerir & rechercher ses conseils. Celuy (dit le saige) qui voudra penetrer trop auant dans les conseils de la maiesté diuine sera opprimé de sa gloire. Et qui est (dict le prophete) celuy qui peut aider l'esprit de Dieu, & à esté son conseiller.

C'est donc la qu'il se fault fermer & arrester, & conclure de ceste façon, puisque vn seul cheueu de nostre tefle, ne tombe pas sans la volonté de Dieu (ainsi que dict l'escripture) il est donc indubitable que les accidēs plus sérieux, & de plus grande importance, sont aussi conduitz par la plus spéciale prouidence diuine, à laquelle il se faut (par vne humilité Chrestienne) accorder et conformer.

Et puis que nous n'auons ny pouuons plus auoir ce seigneur avec nous, faisons lui en memoire de ses merites, tout ce que nous pourrons de recongnissance : rendons luy tout honneur & debuoir, tant chrestien- nement que ciuilement : prions Dieu pour son ame, honorons sa memoire, dressons luy des tombeaux, sepulchres, & trophees : Couronnons les de couronnes ciuiques murales et rostrales : & celebrons ses louanges par toutes sortes de moyens, & de tout nostre pouuoir. Car ce en est à present la saison opportune. La sapience (dict le saige) doit estre louee en la fin de la vie ou pour mieux dire apres la mort. Pour ce (dict Saluian) que tant que l'homme est en vie il peut empirer et

*Sapientia in
exitu canitur.
Prouerb.*

changer, & pendant qu'il est subiect au changement, il ne peut estre loué en assurance.

Je ne veux pas ici m'arrester, à discourir particulièrement des ancestres de deffunct, Monseigneur l'Admiral, de quelle race il est descendu, & monstrier comme sa premiere origine, vient de la noble & illustre maison des Brâcas neapolitains, de tout temps fort affectionnez au seruice des Roys de France, & depuis du costé des femmes, des anciens Contes de Thoulouse, En fin de la maison Doysse en Prouence du costé paternel, & du maternel de la maison de Ioyeuse, estant madame sa mere (encores viuante) propre seur du deffunct premier Duc de Ioyeuse mareschal de France, par consequent son nepueu, & cousin germain de deffunct Monseigneur le Duc de Ioyeuse en son viuant Admiral de France, Gouverneur & lieutenant general pour le Roy au duché de Normandie, & beau frere du deffunct Roy Henry troisieme (que Dieu absolue.

Je laisse aussi à desduire, les particularitez de ses plus singulieres graces & vertus, et les preuues qu'il en a faictes en plusieurs endroictz ayans dés l'aage de dixhuiet ans, ou peu plus, esté maistre de camp, & commande à vn regimēt de mil hommes de pied en Prouence, & de puis faict congnoistre sa vigilance, capacité, & suffisance, en la fortification & conseruation, des places dont il a eu la charge & le gouuernement. Ou il s'est porté si soigneusement, & avec tant d'ordre, que aucune d'icelles ne luy à iamais esté en-

*Quandiu qui
subiacet muta-
tioni, non potest
cum securitate
laudari. Bal.
lib. 4. ad
Eccle cath.*

leuée par mauuaife garde ou trahison, ayant esté infiniment bien seruy, pource qu'il fauoit tref-bien commander.

Mais il est grandement louable, du soin qu'il à eu des peuples commis en sa charge; lesquels il n'a iamaïs pilléz, ruinez, n'y tirannisez : ains doucement gouuernez par bonne & faige police, & en fin heureusement conduitz à la reçoingnoissance de leur Roy naturel & legitime. Aquoy de longue main il aspiroit, par vne genereuse inclination qu'il à euë, au reſtabliſſement de ceſte belle & magnifique monarchie françoïſe, ſoubz l'hauthorité & obeïſſance de ſa maieſté.

Et ce qui ſe retrouue de plus admirable en toutes ſes actions, eſt la creance que le peuple à euë en ſa foy & preud'homme, telle (à la verité) qu'il à eu le pouuoir iuſques à ſa mort, de le gouuerner autāt ou plus facilement & paiſiblement, & avec plus de reuerēce et d'obeïſſance à ſes cōmādemēs depuis ceſte reduction, qu'il n'auoit faiēt au precedēt. Temperāt tellement l'austerité & rigueur de ſes pouuoirs, avec la courtoyſie, la douceur, & bō acueil quil faiſoit à vn chacun, que tous en eſtoyēt contens, & du tout confirmez au ſeruice du Roy.

Je ne meſtandray donc point dauantage à particulariſer ou raconter par le menu, toutes les belles et ſignalees actions de ſa vie. Pour ce que i'ay dreſſé le preſent diſcours, ſur le ſubieēt de ſa mort & ſuneraïlles, auſquelles : i'entens principalement m'arreſter. Et auſſi

pour ce que Monseigneur l'Evesque d'Auranche, qui à voulu prèdre la peine de faire l'Oraison funebre le iour de son seruice, n'a pas failly de m'en releuer amplement. N'ayant rien oublié de tout ce qui peult seruir à la louange & recommandation dudiect Seigneur deffunct. Ce que chacun pourra apprendre, & en tirer consolation, par l'impression de ladite oraison funebre. C'est pourquoy ientreray maintenant sur le discours de sa mort, & de tout ce qui s'en est ensuiuy, & diray.

Que des le commencement du mois de Iuillet dernier de la presente annee 1595, & au parauant, les Espaignols s'estans auancez sur la frontiere de Picardie, auec vne forte & puissante armée, ayans prins la ville & chasteau du Chatelet, & faifans mine de vouloir attaquer & assieger quelque place, Sa maiesté (qui lors estoit en son armee de Bourgongne) auoit commandé à Monseigneur le Conte de saint Paul gouuerneur de ladiète prouince, & à Mōseigneur le Marechal & Duc de Bouillon, de pouruoir les villes & places de ladiète frontiere, quils iugeroyent debuoir estre plustost assiégées par l'ennemy, d'hōmes & munitiōs necessaires, ce qu'ils feirēt en toute diligēce, & aux mieux que la commodité le peust permettre. Entre lesquelles, la ville de Dourlens fust estimee deuoir estre des premieres & principales, pour estre (par aduerture) de moindre force que les autres, ou pource que la ville Darras (qui luy est en teste) en receuoit beau-

coup d'incommodité. Quoy que soit ladicte ville fust passablement pourueüe d'hōmes & munitions, non toutefois en telle abondance, qu'on ne iugeast neceffaire de la fecourir par la force, quand elle seroit affiegee, comme elle fust incontinent. Et pourtāt, fadicte maiefté auoit mandé aux feigneurs & gentilshommes de la Picardie, Normandie, & autres de se rendre en armes audiēt pays de Picardie, pres lefdiēts Seigneurs deffus nommez, & y mener le plus de forces de pied & de Cheual qu'ils pourroyent (en attendant l'arriuee de Monfeigneur le Duc de Neuers) commandé par le Roy de s'y acheminer.

Entre ceux de la Normandy qui receurent ce commandement, fut des premiers deffunct Monfeigneur l'Admiral, lequel plein d'affection au seruice de fa maiefté, & defireux d'en faire preuue en vne si illustre occasion, fans reculer, s'excuser ou hesiter aucunement se refoul d'obeir au commandement du Roy, & deslors se disposa, & prepara ses armes Cheuaux bagaige, & autres choses neceffaires à son voyaige : aduertit la noblesse & gens de guerre de ses gouuernemens de la volonté & mandement du Roy, & les commis de l'affister & accompagner. Ce qu'ils firent (au mieux qu'ils pourrēt selon la saison) & se rēdirent aupres dudit feigneur Admiral plus de trois cens Cheuaux, sans y pouoir mener aucuns gens de pied, pource qu'il n'y en auoit en tous lefdiēts gouuernemens que ce qu'il en failloit pour la garde des places de guerre.

Ce preparatif, dura iufques au Samedy quinziefme iour de Iuillet, auquel iour il partit de Rouen pour ioinde fes troupes, qui l'attēdoyēt en la campagne, eftant ja allē deuant Monsieur le Cōmandeur de Chattes gouuerneur de Dieppe son Coufin, avec fa troupe & compagnie.

Mais durant tout le temps dudit preparatif, lequel fe faifoit publiquement chacun en difcouroit & parloit diuerfemēt & comme bon luy fembloit & prefque tous cōuenoiēt en cela (meſmes beaucoup de gens d'honneur & de qualité) que lediēt Seigneur Admiral ne deuoit faire ce voyaige en perſonne, ains ſeulement y enuoyer fa troupe, pour eſtre commandée : & conduite par lediēt Sieur commandeur, ou autre qu'il luy plairoit. Et que ſa préſence eſtoit plus vtile en Normandy, pour le bien de la prouince, & du ſeruice de ſa maieſté, par le moyen de laquelle, toutes chofes eſtoient contenuës en bon ordre, & chacun y viuoit paifiblement. Et ie ne ſçay par quel inſtinct ou reſſentiment occulte, pluſieurs ſaiges perſonnes & gens de bien, preuoyoient quelque grand malheur de ce voyage. Et deſlors ie m'eſtonnois (à la verité) de ce que beaucoup diſoient qu'il n'en reuiendrait iamais & y mourroit.

L'ay ſceu qu'une certaine Dame parlant à luy peu auant ſon partement, frappee de la meſme appréhenſion, s'eſforça de le diſſuader dudit voyage luy remonſtrant la neceſſité de ſa prefence en la ville de Rouen,

ou il pouuoit acquerir plus d'honneur, que d'aller en vn lieu auquel (par raifon) ne se pouuoit esperer que l'on d'eust faire de grands effects, pour estre l'enemy fort, & l'armee du Roy foyble. Et ne pouuoit dire autre chose (au cas qu'il s'oppiniaft de y aller) sinon qu'il s'en alloit voir prēdre Dourlans à fa barbe, & peult estre n'en reuiendroit iamais. Ce qu'il pouuoit euit ne faifant lediēt voyaige en personne. A quoy lediēt Seigneur deffunct respondit, quelle parloit en femme & luy vouloit faire peur, mais cela ne l'empescheroit pas, d'executer ce qu'il auoit resolu & promis au Roy.

Vn homme d'Esglise de qualité, luy tenant presque semblables propos sur son partement, fut paye de mesme response. A raifon dequoy voyant sa résolution, print congé de luy, & en se departant se print à frissonner, & demeura fort estonné, de grande apprehension qu'il eut, de la ruyne & perte d'un si braue Seigneur, laquelle il se persuada d'eoir aduenir infalliblement, comme il le diēt et racompta à aucunes personnes des le mesme iour.

Le euz c'est honneur au mesme temps de luy parler de quelque affaire, & comme il luy pleut me tenoit propos sur ce mesme subiect, ie luy en diēt rondement ce que j'en pensois, & ne luy celay pas que oultre le regret que j'auois de le voir partir, & delaisser la ville de Rouen veufue de sa presence, ie craignois qu'il ne luy mesaduint en son voyage, auquel il n'y auoit

aucune apparence de prosperité. Qu'il deuoit tenir plus de compte de sa personne, & de sa conseruation, & se reseruer en quelque bonne occasion de meilleure esperance, pour le bien du seruice du Roi & du public. Que Dieu luy auoit donné la grace, d'auoir faict vne belle fortune, mais d'autant qu'elle auoit esté vn peu soudaine, elle lui auoit (comme il reconnoissoit luy-mesme) fuscité des enuieux lesquels il ne pouuoit dissiper, & confirmer son establissement que par le temps, à raison dequoy il se debuoit conseruer, & ne s'exposer aux dangers que par necessité, & en vne belle occasion.

A quoy il me fait vne responce la plus braue & genereuse qui se puisse faire, en ces parolles. Mon amy, ie croy que l'amitié que vous me portez vous faict dire cela. Je vous en remercie mais ie vous diray : que rien de tout ce que m'auez dict, ne me peut desmouuoir n'y changer la volonté que i'ay d'aller en Picardie. Car ie l'ay promis, mon hōneur & mon debuoir m'y appellent, c'est pour le seruice du Roy, & pour la deffence de ce royaume, qui est vne cause iuste : & pourtant, ie suis resolu d'y aller quand ie debois mourir. Ceste responce ainsi franchement prononcee, m'arresta tout court ; & me ferma la bouche & les dents, sans luy ofer rien repliquer, & prins congé de luy, priant Dieu le vouloir conduire.

Et neātmōins i'en collige à present vne matiere de grande louange, en ce premierement, que la crainte

& aprehēsiō que chascun à euë de sa mort auant son partement, ne la point effrayé n'y empesché de son debuoir, d'ou ie tire vne marque de sa valleur & magnanimité de couraige.

Secōdement, il a voulu tenir ferme, & accomplir la promesse qu'il auoit faicte au Roy, de faire lediēt voyaige, & ne s'en retracter, ce qui demonstre sa fidelité & loyauté, & combien il estoit riche d'honneur.

Tiercemēt, il à estimé & creu, qu'il alloit combatre pour vne iuste cause, assauoir pour le seruice de sa maiesté, & la deffence du pays : Et pour cela s'est resolu volontairement à la mort : D'ou ie remarque vne bonne conscience, qui luy donne presque le merite & nom de Martyr. D'autant que pour estre martyr, deux choses sont requises, assauoir, de mourir pour Iustice & volontairement. Il est vray que l'Esglise catholique ne donne pas le nom de martyr, sinon à ceux qui volontairement s'exposent à la mort & despendent leur vie, pour la confession du nom de Dieu, & de sa vraye religiō, & pour la deffence de la liberté de son Eglise.

Outre tout ce que dessus est fort remarquable, que estant lediēt deffunēt Seigneur Admiral sur le point de monter à Cheual, & son train l'attendant en la grande place saint Ouyn de ladiēte ville de Rouen, auec plus de deux mil personnes du peuple de ladiēte ville, comme il arriua en ladiēte place se leua vn tourbillon de vent, & une bourrasque de tempeste la plus impe-

tueuse du monde : Combien que au precedant & au mesme instant le tēps fust trescalme, & fort doux, d'ou plusieurs prindrent mauuais augure & vne opinion de son voyaige pire que auparauant. Party qu'il est de Rouen, ne cesse qu'il ne soit arriué en Picardie, & ioint qu'il fust aupres desdicts Seigneur Conte de saint Paul & Duc de Bouillon, nostre armee commença à s'enfler quelque peu mais le tout ensemble se montoit à peu au regard de huiſt ou dix mil hommes de pied & deux mil Cheuaux, que l'ennemy auoit deuant la ville de Dourlans, tous retranchez & logez en seureté.

On ne laissoit pour cela d'aduiser aux affaires, & d'en deliberer par conseil, & ne se perdoit vne seule heure de temps, qu'on ne taschaft à faire quelque chose, en attendant la venuë de Monseigneur le Duc de Neuers lequel debuoit commander à ladiſte armee, & amenoit encores des forces. Et de faict, il fut resolu par deliberation de conseil de donner quelque secours d'hōmes, poudres & autres munitions, à ladiſte ville de Dourlans; à quoy chacū se disposa, & en fut lequipage preparé, comme il appartenoit, pour se rendre en ladiſte ville, selon que l'occasion se presenteroit de le faire seuremēt, sans rien precipiter.

On dict que feu mondict Seigneur l'Admiral remonstra auant le coup, que c'est effect estoit de telle importance, que tout ainſi comme il torneroit à grande gloire s'il succedoit heureusement, aussi estoit ce ruyner la France de reputation, perdre Dourlans & mettre

la Prouince de Picardie en hazart s'il succedoit mal, et sembloit qu'il inclinast à ne rien entreprendre iusques à la venuë dudiçt Seigneur Duc de Neuers. Toutes fois il se conforma à l'aduis commun : & estant la resolution prinse, de marcher & s'auancer droit à l'ennemy : pour l'exécution de l'effect pretendu, chascun s'arma & partit de son logis (cōme fait lediçt Seigneur defunt) des cinq heures du matin le lundy vingtquatrième, luy & toute sa troupe s'achemine au rendez vous, distant de sept ou huit lieues de son logis, de forte que quand ilz arriuerent à la venuë de l'ennemy, avec le reste des autres troupes, les hommes estoient si las & eschauffez, qu'ils n'en pouuoient quasi plus, & les Cheuaux sur les dents.

Des le matin, mōdiçt Seigneur l'Admiral commanda, que ceux de sa suite qui n'estoient gens de combat, demeurassent à Abuille avec son bagage : & s'adressant particulièrement à Maistre Iehan Cotte-reau, son aufmonier, luy dit cōme en riant qu'il n'estoit pas hōme de guerre, & failloit qu'il allast à Abuille. A quoy lediçt aufmōnier respōdit, qu'il desiroit aller avec luy, & ne le point laisser iusques à la mort. Comment diçt il alors me voulez vous faire peur : vous estes vn pauvre homme ; lediçt aufmonnier luy repliqua qu'il ne vouloit pas luy faire peur, & qu'il ne le pourroit faire (luy ayant trop de cœur) mais qu'il croyoit fermement qu'il s'en alloit à la mort. Que luy n'estoit pas homme de guerre, mais que aysement on pouuoit

iuger qu'il s'en aloit perdre, si l'on attaquoit l'ennemy, tenu pour fort et puissant (selon les aduis que on en venoit de receuoir à l'heure presente) avec si peu de nombre d'hōmes, la plupart ieunes & de peu d'experience, que l'on sçauoit estre en ses compaignies : mais qu'il ne pouuoit faire autre chose, sinon prier pour luy, & l'aduertir de se recommander à Dieu, ainsi que doibuent faire les bons Chrestiens en telles occasions.

Ce pauvre Seigneur, supporta c'est aduertissement ainsi aigre & plein de liberté et franchise, aussi doucement & beneuolement que on eust sçeu desirer, & voulut ouyr la messe auant que de partir.

Enuiron ce mesme temps, il se meist à parler de la ville de Rouen & autres places de ses gouuernemens. Et comme quelqu'un luy dict librement qu'il deuoit auant son partement auoir donné ordre ausdictes places qui estoient d'importance à ce que s'il aduenoit faute de luy elles fussent conseruées pour le seruice de sa maiesté, & continuees à Monsieur le Cheualier Doyse son frere, respondit qu'il n'auoit point pensé à tout cela, qu'elles estoient bien gardees, & n'en auoit aucune deffiance : Et pour le regard dudit Sieur son frere qu'il estoit au seruice du Roy pres sa personne, et s'asseuroit tant de la bonté & grace de sa maiesté, qu'il n'oubliroit point ses seruices, & qu'il les reconnoistroit enuers sondict frere au cas qu'il vint fortune de luy.

Estant mondict Seigneur l'Admiral monté à cheual

avec sa troupe, chacun (allant par le chemin) deui-
soit du peril present, & sembloit que tous recognois-
soyēt leur ruyne prochaine, & preueust le mauuais
sucez de ceste entreprise. Et comme on approche du
combat, ledit Seigneur Admiral aduisant foudit Auf-
monier parmi les gēs de guerre, luy dict assez rude-
ment qu'il se retirast, & qu'il faisoit là trop chaut pour
luy : ce qu'il feist, & en se retirant, le pria de se recom-
mander à Dieu au grand peril ou il le voyoit, & en
passant dict à plusieurs Gentils hommes & gens de
guerre, qu'il n'auoyēt plus de maistre, & qu'il s'alloit
perdre euidemment pour ce que l'ennemy estoit nō
seulement fort; mais aussi tout fraitz & repolé, & les
nostres foibles de nombre & fort harafsez. Ioint qu'il
scauoit bien que mōdict Seigneur l'Admiral estoit vail-
lant, & ne fuyroit point. Plusieurs furent de mesme
aduis, & n'en furent point trompez, à nostre mal-
heur.

Je ne veux icy rien dire des particularitez du com-
bat, & de ce que on y a faict en ce qui touche le faict
d'autrui, pour ce que ce n'est point mon mestier que
de la guerre, aussi ne me veux ie point enfermer en tel
discours, de soy odieux & subiect à calomnye, & pour-
tāt ie le laisseray escrire à d'autres qui le ferōt mieux
& en sçauēt plus que moy. Il me suffira de dire ce qui
touche mondict Seigneur l'Admiral & sa troupe, la-
quelle venant à estre descouuerte de ceux qui la pre-
cedoyent fut forcée de combattre rencontrant en teste

vn bataillon d'enuiron deux mil piques & douze cens lances, entremeslez de force Harquebufiers & Mousquetaires, le Canon suyuant, & un gros derriere, le tout venant audict Seigneur Admiral pas à pas avec vn tresgrand ordre. Et pourtant se voyāt engaigé, fait sa premiere charge fort brusquement & vaillamment, & rompit tout ce qu'il rencontra avec beaucoup de valeur. Et deslors il iugea bien la force de l'ennemy inegalle à la siene, & tascha de faire retraicte en cōbatant, mais l'ennemy le pressant (pour estre frais) fut contraint de charger de rechef.

Ce fut alors que sa cōpaignie cōmēça fort à s'esclarcir plusieurs s'estās retirez & la pluspart ayans esté tuez. Entre lesquels furēt le fils ayiné de Monsieur le Barō du pōt saint Pierre, le Baron de Doulē de Prouence, les Sieurs de Canonuille, Grosmenil de Villequier, Perdriel & plusieurs autres braues ieunes hōmes qui feirent tresvaillamment. Les autres furēt prisonniers comme les Sieurs de Lonchamp, de Guillaumont & plusieurs autres par la vertu de tous lesquels, l'ennemy de premiere abordee auoit reculé iusque à son gros, cryās les nostres (victoire) pour encouraiger aucūs qui fuyoient & les faire retourner.

Mais l'ennemy recōgnoissant incōtinēt que Mōseigneur l'Admiral n'estoit pas assisté, n'ayēt pour tout que enuiron quatre vingt Cheuaux de reste, qui estoit tout ce qu'il auoit peu ralier sur le desordre, pourfaire sa retraicte, se feroit mis à le poursuyure de rechef,

*Le filz du
Baron du pōt
saint Pierre.
Le Baron de
Doulan.*

*Le sieur de
Canonuille. Le
sieur Perdriel.*

*Le filz de
Monsieur de
Raffetot sieur de
Beuzeuille &
autres tuez.*

*Le sieur de
Lonchamp.*

*Le sieur de
Guillaumont &
autres prison-
niers.*

*Monsieur de
Hacqueuille
puisnay de la
maison du Neuf
Bourg, brane
Gentil homme,
tut à la der-
niere charge.*

& le tallonner de si pres, que c'estant le Sieur de Haqueuille (Cornette dudiſt Seigneur) engaigé, & estant bleſſé son Cheual auffi, feroient en fin demeurez acullez enuiron à demie lieuë des trenchees de l'ennemy & voulant retourner à la charge commença à crier, à moy compaignons. C'est aujourd'huy qu'il fault mourir en faiſant vn bon ſeruite au Roy.

Et alors (plain de courage) retourna à la charge mais fort mal accompaigné, ne luy estant reſté que cinq hommes pres de luy, ainſi que i'ay ouy raconter au Cappitaine Iehan, lequel en peult teſmoigner, pour n'auoir iamais h'abandonné lediſt Seigneur deſſunct, & diſt on que Monsieur de la Boyſſiere estoit à ladiſte derniere charge, qui en pourroit auffi parler ſeulement. De forte que mondiſt Seigneur l'Amiral estant accablé, fut ietté de son cheual par terre, ayant peu au parauant eſté tué ledit Sieur de Haqueuille qui estoit vn vaillant gentil'homme.

Ainſi fut prins (du commencement) mondiſt Seigneur l'Admiral par des Neapolitains auxquels il promiſt vne grande rāçon, ſe donnāt à cognoiſtre pour ſauuer ſa vie comme de fait ils deſiroient le faire pour ce reſpect, iuſques à ce que le bruit s'estant incontinent : reſpandu de ladiſte prinſe ſuruint vn Eſpagnol (nommé Contraire) que l'on diſt eſtre commiſſaire general de l'armee ennemye, fort bien accompaigné, lequel estant entré en diſpute avec leſdiſts Neapolitains pour auoir lediſt priſonnier qu'ils reſuſoyent luy

bailler, de rage qu'il eut de ce refus, ou plustost de la haine que luy & les autres de sa natiō auoiēt conceuë contre lediēt Seigneur Admiral, pour ce qu'il auoit recognu & seruoit sa maiefté, se print à crier en Espagnol Mata, Mata, qui est à dire tuez, tuez, & au mesme instant, luy dōna le premierre coup d'espee sur le visaige qui fut fuyui de plusieurs autres iusques au nombre de vingtsept bleffeures, par tout son corps, dont il mourut sur le chāp, au grand regret de Messieurs les Neapolitains lesquels par ce moyen furent seurez de ladite rançon & aucuns deux tuez, pour ce qu'ils vouloient deffendre & conseruer leur prisonnier.

Si tost que mondiēt Seigneur l'Amiral sentit le premier coup qui luy fut donné, il leua les yeux & les mains au Ciel, inuoqua Dieu à son ayde, se recognoistāt pecheur, & le pria d'auoir pitié de son âme. Ce qu'il prononça fort distinctement, & en paroles fermes sans s'effrayer aucunement.

On dit que le matin de ce mesme iour ledit Seigneur auoit receu vn petit billet de la part d'vn gentilhomme Frāçois estant avec les ennemis, ancien amy dudiēt deffunct, portant aduertissement, que l'on scauoit fort bien l'entreprise qui auoit esté resoluë, & que l'on estoit diliberé d'y mettre empeschemēt, & pourtant qu'il se gardast bien d'estre prisonnier s'il venoit au combat, pour ce qu'on luy feroit mauuais party, ce qu'il negligea voyant qu'il n'y auoit aucune particularité audit billet, & estimant (peult estre) que sa

valleur & des siens, le garantiroit de tel inconuenient.

Vn grand Seigneur de qualité, suruenant peu apres en l'armee ayāt apprins comme le tout s'estoit passé, & recognu que apres la defroutte il failloit faire fix lieues de chemin pour la retraite, iugea que si feu mondit Seigneur l'Admiral eust prins la fuitte, & qu'il n'eust soustenu & faict ferme (comme il fait) l'Ennemy estant fraiz, eust infailliblement taillé en pieces nostre armee, & peut estre que ledit Seigneur deffunct ne s'en fust pas sauué luy-mesme, estant las & son cheual harassé. De sorte que ayant soustenu & amusé l'ennemy, se peut dire que par sa mort il a sauué le reste, s'estant sacrifié à l'exemple de Codrus & Curtius, lesquels en mourant ont sauué leur republique.

Peu de iours apres, le Sieur de Rosne ayāt charge dans l'armee ennemie, renuoya en la ville d'Amiens le corps dudit Seigneur deffunct accompagné de ceux des feu Sieurs de Sesseual & Haqueuille, auquel lieu, ses officiers seruiteurs domestiques le furent trouuer, lesquels feirēt embaumer : comme aussi le furēt les autres, par la diligence de leurs seruiteurs. Et furent mis en coffres de bois, qu'ils depposent en l'Eglise des Celestins de ladite ville, en laquelle les entrailles furent enterrées, excepté le cœur dudit Seigneur Admiral, lequel fut embaumé, & apporté à Rouen auec son corps, & de là esté transporté en la ville du Haure de grace, & illec inhumé fort honorablement.

Le laisse à penser combien ce funebre spectacle affli-

gea le pauvre peuple de la ville d'Amiens, & les lamentations qui en furent faictes vniuerfellement de toutes pars, pour l'amitié que l'on portoit aux defuncts : Aufquels furēt rendus de bons & honorables offices, de prieres & autres honneurs funebres, tant de la part desdicts Religieux Celestins, que du peuple de ladite ville, & particulieremēt par Monseigneur l'Euesque d'Amiens, lequel print la peine de conduire les corps desdicts deffuncts Seigneurs Admiral, & dudit sieur de Haqueuille, accōpagné de son Clergé iusques au bord de la riuere de Somme : Sur laquelle ils furēt mis en vn basteau, & depuis rendus à Abuille, auquel lieu furent faicts deux brancars en forme de liètiere, couuers de noir avec chacun quatre de leurs Armoiries en deuil, chacune d'icelles liètiere, portees par deux Cheuaux, ou lesdicts deux corps furent mis. Et en cest équipage accōpaignez de tout le Clergé de ladicte ville, en partirent sans seiourner d'auantage, pour s'ache-miner à Rouen, conduicts par leursdicts domestiques. Et passans par les villages, tout le long du chemin, les Curez & paroissiens d'iceux, leur faisoient compaignie, d'une paroisse à l'autre, iusques à ce qu'ils foyēt arriuez aux portes de Rouē, le Dimenche trentiesme iour de Iuillet sur les six heures du soir, & lesdicts corps portez au fort Sainte Katherine lez ladicte ville, en la forme & ordre qui sera dicte cy apres.

Or est il necessaire de sçauoir, que la nouuelle de ceste mort, fut incontinent respanduē de toutes pars,

& en vint ladite nouvelle à Rouë, dès la nuit du vintcinqüiesme Iuillet, iour & feste S. Iacques. Monsieur le premier President au Parlement de ladicte ville en estoit lors absent, & en vne sienne maison distante de enuiron huit lieuës, lequel en estant aussi tost aduerty, s'achemina au mesme instant à Rouë, recognoissant sa presence y estre nécessaire, pour contenir toutes choses en deuoir, sur la nouvelle d'un tel accident : & y arriua des le matī vingtsixiesme dudit mois de Iuillet (iour & feste de Sainte Anne) avec vne bōne & franche intention, d'y seruir le Roy en telle occasion, & secourir sa ville, de toute l'ayde & industrie qu'il pourroit, & que le public attendoit de luy.

Au cōmencement que ladicte nouvelle arriua, l'on ne fait pas entendre du premier coup au peuple, la mort de mondit Seigneur l'Admiral, ains seulement qu'il estoit prisonnier. Ce qui fut fait par vne grande prudence, estant indubitable que s'il eust esté fait autrement, & que ladite mort eust esté de plein fault annoncée, chacun s'en fust grandemēt effrayé. Ce qui se peut iuger, par l'estonnement que la nouvelle de la seule prinse apporta. L'on voit dequoy seruent les hōmes, quād nous les auons perdus, & qu'ils ne sont plus avec nous. La vie de ce Seigneur asseuroit les vns & les autres; & consoloit tout le monde : Aussi tost qu'il est mort, le peuple demeure tout estourdy & pense estre perdu.

Aucuns en discourāt par la raison, ont eu crainte

que c'est accident n'apportast quelque alteration au repos de ladite ville : mais en effet l'on s'est fagement contenu, & n'est rien apparu contraire au seruice du Roy, n'y au bien public, chacun estât las des follies passees. Il est vray que soubz l'autorité de la Court du Parlemēt, l'on y à apporté toute la dexterité & fage diligence que l'on à peu, pour en retrancher les moyens. Et ne puis en c'est endroit, que ie ne louē infiniment la prudence & vigilance de mondiēt Sieur le premier President lequel na point en son particulier espargné sa peine, pour y faire tout ce qu'il debuoit au public, & qu'on esperoit de luy : Ouurāt les bras à vn chacun, & honorant de tout ce qu'il a peu la memoire de feu monseigneur l'Amiral Qui a esté le droiēt chemin qu'il falloir tenir, de sorte, q̄ en peu d'heure, tout s'est rendu si calme & paisible, & le peuple (par la douceur) tellement disposé au bien qu'il ne se peut desirer dauantage.

Monseigneur le Duc de Montpensier Gouverneur, & Lieutenāt General pour le Roy en la Prouince, ayant esté aduerty de tout s'est acheminé le pluſtoſt qu'il à peu, en ladiēt ville de Rouen, pour accomplir & donner la perfection à l'œuure encommencé, comme il à faiēt tresdignement.

Mais ie puis dire avec verité, que en huit ou dix iours que ladiēt ville a esté sans Gouverneur tout c'est passé cōme on le pouuoit souhayter : de quoy on est

fort obligé audiēt Sieur premier President, lequel on peult dire en auoir esté durant lediēt temps, le vray Gouuerneur.

Voyla dequoy sert la douceur en telles affaires, peut estre que aucuns eussent desiré qu'on eust fait autrement, mais l'experience à fait congnoistre, que ce eust esté vn tref mauuais conseil. .

Reprenant dōc nostre premier discours, apres ceste disgression. I'ay diēt que le Dimenche trentiesme iour de Iuillet, les corps dudiēt deffunct Seigneur Admiral, & dudiēt Sieur de Haqueuille en l'equipage cy dessus escript arriuerent aux portes de la ville de Rouen, & furēt portez au fort Sainte Catherine. Cela fust ainsi fait affin de prendre le loysir de dresser vne Chappelle de parade en deuil, pour y mettre lesdicts corps en leur cercueils de plomb, qu'il conuenoit faire en la maniere en tel cas accoustumee. Et aussi de peur deffroyer le peuple à la soudaine arriuee d'un si piteux spectacle. Lequel pourtant ne laissa de sortir en grand nombre & d'aller au deuant par les portes Cauchoise, Beauuoyfine & Martinuille pendant qu'ils faisoient le tour avec ceux qui les accompagnoient, pour gagner lediēt fort Sainte Catherine.

Ie ne puis representer assez patetiquement, le dueil & desconfort de ce pauvre peuple, & la triste contenance que chascun auoit à telle arriuee, la seule souffrance de ce que ie veis, me comble le cœur de douleur,

& en l'efcriuant ie ne puis retenir mes larmes; car aucuns de fes propres ennemis ont regretté & ploré lediçt Seigneur comme les autres.

A l'arriuee, & comme ils approchoyent dudiçt fort Sainte Catherine furent au deuant recevoir lefdiçts corps, les quatres ordres mendiennes de ladiçte ville de Rouen, avec leurs Croix, & les religieux de l'abbaye Sainte Catherine, reueftus de Chappes honorables, fuyuis du Sieur de Boniface Cappitaine dudiçt fort, accompagné de tous les chefs des compagnies de la garnifon d'iceluy eftās foubz fa charge, tous reueftus en deuil. Et au rencontre fust le brancart ou liçtiere (auquel estoit le corps dudiçt Seigneur Admiral) couuert d'un grand & riche poifle de velours cramoify violet brun, fémé de fleurs de lis en broderie d'or, ayant vne Croix de drap d'or; puis conduiçt en l'Eglise Sainte Catherine enclofe dans lediçt fort, ou les feruices ont esté faiçts tous les iours iufques au Samedi enfuyuant cinquième Aouft, que lefdiçts corps furent apportez en la ville de Rouen, & depofez en l'Eglise des Celestins, en la Chappelle de parade en deuil, que l'on auoit faiçt preparer fort honnorablement, durant les iours precedens, apres auoir esté enfermez en cercueils de plomb & quaiſſes de boys, felon qu'il est accouſtumé.

Ce preparatif fust dressé tref à propos, à la main gauche du cœur de ladiçte Eglise, du coſté de Septentrion, en la Chappelle que deffunct Monſeigneur l'Ad-

miral de Grauille à faict bastir, laquelle est accompagnée d'une autre longue Chappelle ioignante, de forte qu'il failloit passer de l'une en l'autre. La premiere desdictes Chappelles estoit tendue tout à l'entour de deux lez de drap noir, & par dessus un ley de velours noir, sur lequel estoient attachées plusieurs armoiries de deuil dudit defunct Seigneur Admiral, l'Autel paré d'un grand poille couuert de broderie.

Par le bout de ladicte Chappelle, à costé gauche de l'autel, on entroit dans l'autre Chappelle ou estoit ledict corps, laquelle estoit tendue par le hault d'un faux plancher de drap noir, au dessous des vitres : en sorte qu'il n'y auoit aucun iour en icelle. Et tout le pourtour, depuis ledict plancher iusques en terre, estoit entierement couuert & reuestu de drap noir, & toutallentour sur le milieu, estoit couché un ley de velours noir, avec les armes dudit Seigneur Admiral. Les grands pilliers des enuirs de l'autel, estoient couverts de velours noir, & tout le carré d'ehaut environ d'un lay dudit velours. Les courtines ou custodes dudit Autel, pendoient iusques en terre, & estoient de damas noir frangez et etoffez de soye noire. L'autel estoit hault & bas reparé d'un parement de velours noir ayant du commencement les croix de satin blanc, & depuis de drap d'argent. Sur ledict Autel, estoient des Chandeliers, Benefitier, Bassins, & Vases d'argent vermeil dorez, cizelez de hault relief, sur le costé de main gauche estoient une chasuble & tunique de velours

noir, estoëes cōme dessus, le tout ayans les armes en broderie dudiēt Seigneur deffunct. Et sur lautre costé de l'Autel estoit une Chasuble couuerte de broderye dor.

Au frōt d'iceluy autel & sur le hault de la cincture carree desdicts piliers, estoit le pourtrait, dudiēt deffunct Seigneur Admiral, tiré au naturel, armé fort richement, lequel on voyoit des le bout & entree de ladite Chappelle, vis à vis dudiēt Autel, & proche lediēt Carré de pilliers, estoit le Corps & cercueil dudiēt Seigneur, couuert d'un grand poille de velours noir, estoëé comme lesdicts paremens, avec les armes en broderie comme dessus & une Croix d'argent vermeil doree, sur le millieu dudiēt cercueil. Aux pieds duquel, estoit vn grand Ancre argenté avec ses Cordaiges aussi argentez, posé sur un oreiller de velours noir. A l'environ dudiēt cercueil, estoient douze grands Cierges de trois liures piece, sur douze moyens Chandeliers de cuyure, lesquels brusloient continuellement, que l'on renouueloit à mesure qu'ils defailloient. Et outre estoient vis à vis des deux premiers grāds pilliers de L'autel, deux grands Chandeliers de cuyure de cinq pieds de hault, ou estoient pareillement entretenuz deux grand Cierges ardens, le tout de cire blanche. Au cheuet dudiēt Cercueil, estoit vn Escabeau couuert, & sur iceluy vn beneiftier d'argent avec son asperges, duquel les suruenans donnoient de leauē beneifte au corps dudiēt Seigneur deffunct. Aux deux Costez sur

le milieu de ladicte Chappelle, estoient deux petits oratoires en forme de pupitres, couuers de drap noir, pour les personnes honorables qui venoyent faire prieres en icelle. Sur le fonds de laquelle à main droiçte, estoit ferré pres le mur en vn coing le corps & cercueil dudit deffûit Sieur de Hacqueuille, couuert d'un poisle honorable de uelours noir avec la Croix de fatin blanc. Six cierges allumez à l'enuiron, & ses armoiryes de dueil attachées audicts cierges, & au drap ioignant tout le long dudiçt cercueil.

En tel equipaige a esté honoré le corps de mondiçt Seigneur l'Admiral, trête iours entiers. Celuy dudiçt Sieur de Haqueuille vn peu moins d'autant que il à esté enleué (au parauant les funerailles dudiçt Seigneur) par ses parens, qui l'on fait porter en la ville du Neuf bourg, pour y estre enterré avec ses ancestres.

Durant tout ce temps, ont esté par chacun iour celebrees en l'Autel de ladicte Chappelle, grand nombre de Messes le matin, tant par les peres Religieux Celestins, selon l'intention et ordonnance de mondiçt Sieur le Cheualier d'Oise, que par autres bonnes, & deuotieuses personnes, de leur Charité & deuotiō priuée. Et les apresdisnées ont esté chantees les Vespres & Vigiles des mors par lesdits Religieux, assistant tousiours l'Aumosnier dudiçt Sieur deffunct pres son corps, avec ses officiers & paiges, les vns apres les autres.

Et pareillement ont esté celebrez des seruices fort honorables, par chacune des paroisses de ladicte ville

& Archeuesché, les vnes apres les autres pour les ames dudit Seigneur deffunct & de tous les Sieurs gentilhommes & autres qui sont mors avec luy.

Mais ce qui est le plus louable & recommandable, est la deuotion du peuple de Rouen vniuersellement : Lequel pendant tout le temps que ledit corps a esté en ladite Chappelle, n'a pour ce cessé d'aller iournellemēt (speciallement les iours de festes) y donner de l'eau beneifte, à faire ses prieres en telle affluence qu'on ne se pouuoit torner en ladite Eglise, de sorte qu'on estoit cōtraint faire passer la personne à la fille pour euitier confusion, n'y ayant eu si petit enfant, que les peres & meres n'y ayent menez ou portez, afin de rendre ce dernier office audit Seigneur deffunct.

Et par dessus tous mondit Seigneur le Duc de Mōtpēfier luy à voulu faire cest hōneur, que d'y aller en personne, suyui de toute sa maison : comme aussi ont fait tous les gens de qualité de ladite ville les vns apres les autres fort deuotement & honorablement, mēsmes y a esté fait vn seruice solennel avec Musique par ordonnance de la Court de Parlemēt, auxquels plusieurs de messieurs les Presidens & Conseillers ont assisté.

Pendant que toutes ses choses se faisoient, mōdit Sieur le Cheualier d'Oyse n'estoit pas oyseux. Car apres son arriuee, & incontinent apres qu'il à esté visiter les places de guerre de ladite Prouince dont ledit deffunct auoit le Gouuernement, & auoit pourueu de tout ce qu'il y cōuenoit pour les asseurer & conformer

au service du Roy. Le premier & principal soin qu'il a eu, a esté de faire les funerailles dudit deffunct Seigneur son frere, qu'il a voulu estre tref-honorables & correspondantes à sa qualité & merite.

Et pour ce ayant recogneu le grand appareil & despense qu'il conuenoit y faire & employer, apres auoir proiecté l'ordre qu'il vouloit estre gardé, en fait dresser les memoires par le Sieur Carrel, estant alors à Rouen, (homme vigilant) & le preposa pour l'exécution d'iceux, et de maistre des ceremonies. A quoy il s'employa avec beaucoup de trauail, en sorte que seruit tout l'appareil fut prest dās le iour desdites funerailles, qui auoit esté arresté au Mardy V. iour de Septembre prochain ensuyuant apres dîner, auquel iour le corps dudit deffunct Seigneur Admiral, fut porté en terre, avec tres-grand honneur & magnificence funebre, depuis ladicte Eglise des Celestins, iusques en celle de nostre Dame Cathedralle de ladite ville de Rouē ou peu auparauant auoit esté aprestance la fosse ou Caue faicte & bastie en Arcade au lieu à ce expressement destiné pour y inhumer ledict corps, le tout en la forme & selon l'ordre qui sera cy apres déclaré.

Et pour iceluy mieux entendre, faut premierement noter, que pour le dict effect fust dressé vne Chappelle noire, ou de deuil, vulgairement appelée Chappelle ardante, garnye de ses tourelles ou pointes en forme de clochers, toute couuerte de cierges bruslans tout le iour dudit enterrement, que le lendemain matin

durant les messes & seruices faicts & celebrez en ladicte Eglise nostre Dame. Laquelle estoit aussi de toutes pars, & d'un bout à l'autre, garnie & enuironnée de cierges ardens par toutes les herfes des arcades, pilliers. châdeliers et estoilles, en nombre presque infini.

Et fust dressée ladicte Chappelle ardante, au milieu du cœur de ladicte Eglise. Et a esté l'amour & affection de messieurs du clergé de ladicte Eglise, si grande enuers ledict Seigneur deffunct qu'ils ont employé vne notable somme de deniers pour reparer les charpenteries ferremēs & autres choses necessaires à la sonnerie de leur plus grosse cloche, qui est d'une admirable grâdeur, appelée vulgairement George d'Amboyse. Lesquelles choses, ensemble le batan de ladicte cloche, estoyēt froissees & rompuës. Et par ce moyen l'on a faict sonner ladicte cloche audict enterrement & seruice, au grand contentement et ioye du peuple qui ne l'auait ouy sonner durant dix ou douze ans au parauant.

Oultre ce, ladicte Eglise fut tenduë, d'un ley de drap noir tout à l'entour de la nef, qui est d'une tres-grande longueur. Et le Cœur semblablement a esté tendu doublement de deux lez dudiect drap noir l'un au dessus de l'autre, & sur celui d'enhault a esté tendu tout à l'entour dudiect Cœur, un ley de velours noir. Et encores a esté tendu d'un ley de drap noir tout l'ëuір dudiect Cœur par le dehors ensemble tout le carré de ladicte sepulture, à l'enuiron de la Caue, faicte au cheuet dudiect Cœur iustement à l'entree de

la grande Chappelle nostre Dame, en laquelle sont baftis les magnifiques sepultures de Messeigneurs les Cardinaux d'Amboyse, iadis Archeuesques de ladiète Eglise & d'autres Seigneurs, le tout garny d'armoiries dudiêt Seigneur deffunct ayās toutes au trauers l'Ancre d'argent, pour marque de la qualité d'Admiral.

Tout de mesme a esté tendu dudiêt drap noir l'Eglise desdiets Celestins, & la premiere Court au deuant de l'entree d'icelle, estoient les lez de drap renuersez iusques par le dehors des deux costez du grand portail de ladiète Court sur la ruë, le tout garny d'armoiries comme dessus.

Peu auant lediêt enterrement, à esté escript de toutes pars, aux Seigneurs & gentil-hommes des enuirs les Gouuernements dudiêt deffunct ses amis, pour se trouuer audictes funerailles & honorer la ceremonye.

Le lundy quatrième iour de Septembre precedent lediêt enterrement, furent faicts les cris & proclamations publiques de la mort & enterremēt dudiêt deffunct Seigneur Admiral, tāt en la grāde Salle du Palais à Rouen, vers la Table de Marbre, que par les Quaiz & carrefours de ladiète ville, par vn crieur iuré d'icelle accōpaigné de vingt autres, ayās tous bōnez carrez en teste, & reuestus de robe longue, la sonnette en la main, & chacun deux armoiries dudiêt Seigneur deffunct l'vne deuāt l'autre derriere, attachees à leurs robes, duquel cry la teneur ensuyt.

Dites voz patenostres, pour hault & puiffant Sei-

gneur Messire André de Brancas, pour haut & puissant seigneur Messire André de Brâcas, en son viuât Cheualier Seigneur de Villars; Cōseiller au Cōseil d'estat & priué du Roy, Cappitaine de cent hommes d'armes des ordonnances de sa maiesté, Gouverneur & son lieutenant general és ville & Bailliages de Rouē, Caux, Haure de grace, & Admiral de France. Lequel est deceddé au mois de Iuillet dernier deuant la ville Dourlans en Picardye, lors assiegee par les Espaignols ennemis de la France, en combatant vaillamment pour le seruice de sadite maiesté & pour la deffence du Royaume de France. Son corps sera porté honorablement en sepulture le iour de demain cinquième de ce mois à presdiner, de l'Eglise & couuent des Celestins (ou de present il repose) en l'Eglise nostre Dame Cathedralle de ceste ville de Rouen, en laquelle il sera inhumé, & l'endemain matin, sera fait vn seruice solennel, en ladicte Eglise nostre Dame.

A chacun desquels cris ou proclamations, qui à esté fait comme dessus, lesdicts crieurs ont sonné leurs clochettes tous ensemble par deux fois : assauoir, vne fois en arrivāt en la place auant que faire le cry & vne autre fois apres iceluy acheué.

Le mesme iour de lundy matin, furent assemblez les principaux officiers de la maison dudit Seigneur defunct en bon nōbre par lesquels tous reueftus de grandes robbes longues en deuil, furēt faites les sermons desdites funerailles à Messieurs de la Court

de Parlement, Chambres des Comptes, Court des Aydes, Trefories de France, Bailliage, Admirauté & Escheuins de ladite ville, & particulièrement à Messieurs du Chapitre de l'Eglise Cathedralle de nostre Dame de Rouen, de la part de Messieurs les parens & heritiers dudit Seigneur deffunct, pour se trouuer ausdictes funerailles & seruice. Et encores furent enuoyez des Gentil-hommes, par deuers vn bon nombre de nottables officiers & Bourgeois de ladite ville, à la mesme fin.

Le mesme iour fut passé cōtract avec lesdits Sieurs du Chappitre nostre Dame, d'vne fondation de deux Obitz par chacun an, pour l'ame dudiēt Seigneur deffunct ou se voit la grāde liberalité & bōne affection, de mondiēt Sieur le Cheualier d'Oyse, lequel n'a rien espargné de tout ce qui estoit necessaire pour le corps & l'ame dudiēt deffunct Seigneur son frere, dont il est grandemēt louable.

Lediēt iour de mardy cinquième dudict moys de Septembre, se rendirēt audiēt Conuent des Celestis des sept heures du matin, mondiēt Sieur le Cheualier d'Oyse avec tous ses seruiteurs & les officiers dudiēt Seigneur deffunct, & autres qui debuoyēt assister à la ceremonie desdictes funerailles ensemble le maistre desdictes ceremonies & ceux qui le debuoyent assister en ladiēt charge, furent aussi portez audiēt lieu tous les luminaires, habitz de deuil, Trophees tāt de mer que de terre, & toutes autres choses seruants à ladiēt

ceremonie. Et incontinent apres se rendirent ~~audiet~~ mesme lieu les cent cinquante pauvres retenus pour porter les torches lesquels furent habillez en deuil de robbe & chaperon, chaufes & foulliers, & leur fut distribué chacun pain vin & chair par ausmone pour leur refection. Comme aussi fut la mesme distribution et ausmone de vin, faicte aux pauvres en faueurs des Hospitaux, & aux mandians de ladite ville qui se trouuerent audites funerailles.

Et toutes choses estans ainsi preparez, incontinent apres le disner, arriuerent audit Cōuent, toutes les Religions, Parroisses, gens de guerre, Noblesse, corps & compagnies de Iustice de ladite ville, inuitez ausdites funerailles.

Et particulierement y vint mondit Seigneur le Duc de Montpensier, qui à voulu tant honorer la memoire dudit Seigneur deffunct, que d'y assister en personne, & mener le deuil d'honneur desdites funerailles, que portoit ledit Sieur Cheualier d'Oyse, & au mesme instant commença le tout à marcher selon le reng & ordre qui ensuit.

Et premierement.

MArchoit seul le premier, vn cōmis du maistre des ceremonies reuestu de noir en deuil ayant vn baston noir en la main.

Suyuoyēt incōtinēt apres les vingt crieurs deux à deux, avec leurs Clochettes, reuestus de lōgues robes

noires, ayans chacū deux Armoiries dudiēt Seigneur deffunēt; l'vne deuāt, l'autre derriere.

Suyuoyent apres les Enfans des Hospitaux de ladite ville deux à deux, ayant chacun vn cierge ardent en la main.

Suyuoyent cinquante pauures reueftus de robbe & Chapperon, chauffes & fouliers (comme dit est) ayans le chapperon en teste rauallé, portans chacun vne torche ardente de deux liures piece, & deux armoiries y attachees deuant et derriere.

Suyuoyent les Conuents des Capuffins, & quatre ordres mandiennes deux à deux, en l'ordre que ils ont accoustumé de marcher, ayās chacun deux torches à costé de leurs Croix, & double armoirie, comme deffus.

Suyuoyent cinquante autres pauures, avec torches & armoiries & reueftus comme deffus.

Incontinent apres, fuyuoyent les paroiffes de ladite ville l'vne apres l'autre, en leur ordre accoustumé, avec leurs Croix, accompagnees de chacune deux torches, garnies d'armoiries, cōme deffus.

Suvuoyent apres les bourgeois de ladite ville en armes, tāt picquiers que harquebufiers, portans les Enseignes ployees, & les armes basses, assauoir les arquebufiers la croffe souz le bras, & les picquiers trainoyent leurs picques, les tambours battās lentement, & couuers d'estamine noire, le tout enuiron au nombre de cinq à fix cens cōduis par le Sieur de la Lande,

Sergeant Majeur de ladite ville, marchant en teste avec vn baston noir en la main, couuert de cresppe.

Suyuoyent apres les compagnies des archers & arquebusiers de ladite ville, appelez de la cinquātaine, portans Enseignes ployees, & armes basses conduits par leurs Chefs, le baston noir en la main couuert comme deffus.

Suyuoyent apres deux compagnies en armes, de la garnison du fort de sainte Katherine, les armes basses, tambours battans, couuers comme deffus : ayās deux enseignes noires, faites expres une grāde Croix blāche au milieu deux chiffres d'or, dudit Seigneur deffunct, & deux Ancres d'Argent, dans les quartiers de chacun costé. Tous les Cappitaines dudit fort assistans de rang au front desdites compaignies reuestu en deuil, & le Sieur de Boniface leur chef, les conduisant & marchant en teste le baston noir à la main, reuestu en deuil d'une longue robbe à queue trainante.

Suyuoyent cinquante autre pauures portans torches avec armoiries, reuestus en dueil (comme les autres cy deffus) marchants deux à deux.

Suyuoit vn Commis du maistre des ceremonies reuestu en dueil, ayant vn baston noir en la main.

Suyuoyēt les Cappitaines & Lieutenāt des gardes dudit deffunct reuestus en dueil de robes lōgues à queue traynante ayant ledit Cappitaine vn baston noir en la main, suyuis de la cōpagnie desdits gardes reuestus en dueil, & ayans sur leurs mandilles noires

chacun vn ancre trauersee d'une Croix saint André de satin blanc, portans tous l'arquebuse basse, comme les precedens.

Suyuoit vn Trompette reuestu en dueil, ayant à sa Trôpette vne Bannerolle de Taffetas noir, bordée tout autour d'une large bordure à rosettes de argêt, & au milieu les armoiries Tymbres dudit Seigneur, soutenues par deux Griffons, vn Ancre d'Argent au trauers, & les chiffres d'Or dudit Seigneur de chacun costé.

Suyuoit le More Portier, et le Marechal Ferrant reueustus en dueil.

Suyuoient les lacquais aussi reueustus en dueil.

Suyuoient les pallefreniers, reueustus de mesme, marchants deux à deux.

Suyuoient les deux escuyers de cuyfine, & cuyfiniers reueustus en dueil, comme dessus, marchants deux à deux.

Suyuoient le somelier & pannetier ensemble, reueustus en dueil.

Suyuoient le foubz escuyer & le cheuauteur d'escuirye ayant sa marque de lescuffon des armes dudit deffunct sur l'espaule.

Suyuoient apres les varletz de Garde robbe, reueustus en dueil de robbe lōgue cōme les precedēs.

Suyuoient les valets de chābre, reueustus en dueil.

Suyuoient les controlleur & argentier, reueustus en dueil.

Suyuoient les Secretaires, aussi reueustus en dueil.

Suyuoit en queuë le maistre d'hostel seul, reuestu de robbe longue ayant longue queuë traynante, & vn baston noir couuert de crespé en la main.

Suyuoit apres luy vn autre trompette, reuestu en dueil de velours noir, avec banderolle, aux armes dudit Seigneur comme la precedente.

Suyuoit le porte guidon de la compaignye du dit Seigneur deffunct; reuestu de velours noir sur vn Cheual aussi reuestu en dueil de velours noir, iufques les pasturons, avec vne grande Croix de satin blanc, lequel guydon estoit pendu à vne lance noire & estoit de taffetas noir, brodé d'argent tout autour, au milieu duquel estoit peincte la figure de Curtius Cheualier Romain tout armé sur vn cheual, se precipitant dans vn gouffre, pour le salut de sa republique, & au dessus estoit escript en vn large escripteau d'argent.

VERVS AMOR PATRIAE.

Suyuoit le portenseigne de ladite compaignie, reuestu & monté cōme le precedent, laquelle enseigne pendoit à vne lance noire & estoit bordée d'argent à l'entour, & au milieu estoit depeint vn grand Ancre d'argent, trauersé d'une grāde Croix saint André d'argent, dentelée par les bords, avec deux chiffres d'or dudit Seigneur & deux Ancres d'argent de chacun costé.

Suyuoit vn page à pied reuestu de velours noir portant la lance noire sur l'espaule, la pointe contrebas,

avec vne petite banderolle bordee d'argēt, & vn chiffre d'or entre deux Ancres d'argent de chacun costé.

Suyuoit vn autre paige reuestu de mesme, portāt les esperons dorez dudit Seigneur, sur vn carreau ou oreiller de velours noir, ayant houppes de foye noire & crespines d'argent, le tout couuert, de crespé noir.

Suyuoit vn autre paige reuestu de mesme, portant sur vn pareil oreiller les ganteletz dorez couuers comme deffus.

Suyuoit vn autre paige habillé comme les precedens portant sur vn oreiller, l'armet ou heaulme à visiere, doré & couuert comme deffus.

Suyuoit vn autre paige reuestu de mesme, portant sur vn pareil oreiller l'espee d'armes doree, avec la ceinture & foureau de velours noir, le tout garny de ferreure doree & couuert de crespé cōme deffus.

Suyuoit vn autre paige reuestu comme le precedēt, portans sur vn oreiller, la cote d'armes dudit Seigneur, toute couuerte de ses armoiries fort richement peintes, couuerte de crespé cōme deffus.

Suyuoit vn autre paige reuestu de mesme velours noir, portant aussi sur vn semblable oreiller l'escuffō des armoiries tymbrees dudit Seigneur, taillées en bois de relief de chacune part, & estoffees d'or & d'argent fort richement.

Suyuoit incontinent apres, le cheual de bataille dudit Seigneur deffunt, Caparassonne de velours noir,

à frangettes & houppes de foye noire, à creffpines d'argent : ayant le front ou chanfrain, & estriers argentéz : lequel cheual, estoit mené avec deux leffes de foye noire, par deux lacquais reueftus en dueil de velours noir.

Suyuoit apres l'escüyer feul, reueftu de robbe trainante, ayant vn bafton noir en la main.

Suyuouët apres dix gentils hommes volontaires de la maifon dudit Seigneur deffunct tous reueftus en dueil & robbe à queuë trainante.

Suyuoit vn commis du maiftre des ceremonies feul, reueftu en dueil, vn bafton noir en la main.

Suyuoient les Capittaines de la marine.

Suyuoit apres vn tröpette de marine en dueil, avec banderolle, ayant les armes dudit Seigneur, estoiffées comme les precedentes.

Suyuoient deux tambours & fiffre, de la Marine habillez en dueil à la matelotte.

Suyuoit apres l'enfeigne de marine, portee par vn Cappitaine de marine reueftu en dueil de velours noir de aye à long pendans, & estoit ladite enfeigne de taffetas noir, carree, bordee d'argent allentour, & au milieu estoient peintes fort richement en vn grād Escuffon tymbre des armes dudit deffunct, foustenuës & portees par deux grands griffons, le tout fort richement estoiffé, & estoient lefdits armes trauerfees d'un grād Ancre d'argent, avec deux chiffres d'or, & deux petits Ancres d'argent, aux quatre coings de chacun costé.

Suyuoit apres iceluy qui portoit la flamme de la Marine, habillé comme le precedēt, & est ladite flamme vn grād Estandart de taffetas noir long de six ou huiët aunes large par haut, retrecissant & finissant par le bout en pointe, & refendu en deux porté au bout d'vn baston fait en forme d'antenne en la maniere d'vne Banniere d'Eglise, laquelle flamme estoit tout à l'entour bordée d'argent, & par la refente, & sur le meillieu, estoit peinte la deuise dudit Seigneur, qui est vn grand Ancre d'argent avec ses cordaiges d'argent. Et au dessus vn large rouleau ou escriteau d'argent, ou estoit escript *HAC TVTVS IN LITTORE SISTAM*. Et aux quatre coings dudit Ancre, estoient chiffres d'or & Ancres d'argent. Et trainoit la pluspart de ladite flāme par les ruës.

Suyuoit vn autre reuestu cōme dessus, lequel portoit le Gaillardet, qui est vne forme d'ēseigne ou Bāniere de marine, particuliere au vaisseau de l'Admiral toute carree : laquelle estoit de taffetas blanc sans aucune peicture ou enrichissement.

Suyuoit apres vn autre Capitaine de marine reuestu comme les precedens lequel portait le grand estandart royal de marine, qui est la banniere du Roy, laquelle estoit de taffetas noir, bordée d'argent à l'entour, & carree, & au millieu duquel sont peintes les armes de France, en vn escuffō courōné & enuironné de deux colliers des deux ordres avec deux Chiffres d'or, & deux petits Ancres d'argent aux quatre coings de chacun costé.

Suyuoient les Huiffiers de la table de Marbre; Puis les Iuges & Officiers de ladite Admirauté.

Puis la Noblesse conuiee.

Suyuoyēt apres les Religieux S. Ouyn, S. Katherine, S. Lo, bōnes Nouuelles, la Magdaleine, & autres de ladite ville, avec leurs Croix, accompagnez de torches; & armoiries, comme les autres susdits.

Suyuoyent Messieurs du clergé de la grande Eglise cathedrale & Chapitre nostre Dame (qui est vne tres-grande & honorable cōpagnie, avec leurs Croix & cierges, et six torches, garnies, de double armoiries dudit Seigneur deffunct.

Incōtinēt apres marchoit Monseigneur l'Euesque d'Aurāche, faisant l'office desdites funerailles avec sa Croffe, & reuestu de ses habitz Pōtificaux: assisté de ses ministres et officiers accoustumees.

Après luy marchoyent Messieurs les Abbez, cōieuz ausdites funerailles.

Suyuoit apres l'Aufmonier dudit seigneur.

Suyuoit le fruitier portāt vn gros cierge blanc deuant le corps.

Et puis suyuoit ledit corps, en son cercueil de plomb, & quaiße de bois par deffus, couuert d'vn grand & riche poisse de velours noir, ayant vne grande Croix par le mitan d'vn ley entier de drap d'argent, avec quatre grandes armoiries tymbrees dudit seigneur deffunct, fort richement faictes en broderie, & estoit ledit corps sur vn branquart fait expres porté par douze

matelotz reueſtus en dueil à la matellotte, ayans tous chacun vn petit Ancre fait de ſatin blanc, attaché en broderie ſur le deuant de leur iuppon, & autant par derriere.

Les quatres coings du poiſſe eſtoiēt portez par quatre barons & gentilshommes de qualité.

Sur les pieds dudit cercueil, eſtoit le grand Ancre de Mer, argenté auec ſes cordages, auſſi argêtez, lequel auoit touſiours eſté en ladite Eſglife des Celeſtins, pendant que lediſt corps y à repoſé : ſur le meilleur dudit cercueil à l'endroit de la poiſtrine dudiſt Seigneur, eſtoit le ſifflet de Marine d'argent auec les armes d'iceluy grauez en vn petit Ecuiſſon, poſé ſur vn oreiller de velours noir ſemblable aux precedés, le tout couuert de creſpé.

A l'environ dudit corps eſtoient portez douze torches ou flambeaux, de cire blanche, par ſix Religieux Capuchins d'une part, & ſix Religieux Minimes de l'autre part.

Après lediſt corps, immédiatement ſuyuoit vn deſdits crieurs à ſonnette, ſeul.

Après luy marchoit ſeul, le maiſtre deſdites ceremonies, reueſtu de robbe longue à queuë, trainant le chapperon auallé & vn bonnet de velours en teſte couuert de creſpe.

Suyuoit après mōdit Seigneur le Duc de Montpenſier, conduiſant le dueil d'honneur, qui eſtoit mōdit Sieur le Cheualier d'Oyſe, frere dudit Seigneur deſſunt,

reueſtu d'un chapperon & grande robbe de ſerge de florence en dueil, traynant cinq ou ſix aulnes.

Après ledit dueil, vne grande eſpace entre deux, marchoyent meſſieurs de la Court de Parlement en corps precedez de leur Huiffiers.

Suyuoit après monſieur le Procureur General repreſentant le Bailly de Rouë, pour le decez aduenue du Sieur Conte de Tilliere, Bailly de la dite ville, accompagné de mōſieur le Lieutenant General audit Bailliage : leſquels eſtoyēt auffi ſuyuis des Eſcheuins & Corps de ville de Rouen, aſſiſtez à l'environ de leurs Archers de la cinquantaine.

Et durant tout le temps que les choſes ſuſdites ſortoyent de ladite Eſgliſe les Prieur & religieux Celeſtins eſtoyent avec leur Croix, en habits Eccleſiaſtiques, à l'entrée & hors de la grande porte dudit conuent en la ruë, pour honorer de leur aſſiſtance & prieres en ladite ceremonie.

Et eſt à noter que, auffi toſt que le corps dudit Seigneur deſſunct partit de la dite Eſgliſe des Celeſtins. furent tirez les Canons & eſcopeteries, tāt dudit fort Sainte Catherine, que des vaiſſeaux & Nauires du port de ladite ville. Et au meſme inſtāt, les antennes & voyles deſdits vaiſſeaux & Nauires, furent abbatus ſur le Tillac, par les pillotes & mariniers eſtans auſdits vaiſſeaux, en ſigne de triſteſſe, qui eſtoit choſe pitoyable à voir : Ce qui fuſt faiçt tout en vn meſme inſtant, par vn ſignal pource préparé.

En tel ordre & felō qu'il est dict cy deffus, ont esté lefdites funerailles dressees & conduittes. Et, le tout partant de ladite Eglise des Celestins le iour deffusdit, a passé par deffus le pont du moulin pres la porte saint Hylaire, pour gagner la grāde ruē saint-Hylaire & tout le lōg d'icelle, iusques à la fontaine saint Ouyn : Et de la tournant à main droicte, à passé deuant l'Eglise & grande place dudit saint Ouyn, & par le long de la ruē, entre dans la rue Beauuoyfine, au coing ou est l'hostellerie de la Croffe, de la tout droict en la rue Ganterie en continuant iusques en la ruē de la prison & par icelle torne dans le vieil marché, & d'iceluy tout droict pardeuers saint Michel & tout le long de la ruē de la grosse horloge à ladite grande Eglise nostre Dame : au cœur de laquelle ledit corps a esté posé & mis soubz la Chappelle ardente, enuironnee par le haut d'un lez de drap noir, & d'un ley de velours par deffus.

Au bout de ladite Chappelle ardente, estoit vne grande table couuerte de noir, sur laquelle tous lefdits Trophees tant de terre que de mer, ont esté posez & rengez par ordre, sur lefdits oreillez & carreaux de velours.

Mondit Seigneur de Montpensier a prins sa place en entrant audit cœur, à la chaire haute de Monsieur le Doyen, & mondit Sieur le Cheualier estant en dueil (comme dit est) à prins la plus haute chaire de l'autre costé de main gauche, en entrant audit cœur.

Aupres dudit Seigneur Duc, vne chaire entre deux, estoit Monsieur le premier Presidēt, & consecutiuelement messieurs les autres Presidens, maistres des requestes. & Cōseillers de ladite Court, esdites chaires hautes de part & d'autres, excepté quelque nombre desdites chaires, reseruees pour les dignitez dudit Clergé. Puis le Bailliage, hostel de ville, chacun en leurs places accoustumees. Et auoit mondict Seigneur de Montpensier, & aucuns desdits Sieurs Presidents, ensemble lefdit Sieur Cheualier d'Oyse, chacun vn oreiller de drap noir en terre, & vn autre de velours noir au deuant d'eux, estoiffé comme les autres ci dessus.

Au mesme instant, furent dictes les commandaces & autres Prieres des trespassez, en la maniere accoustumee. Et sur le milieu desdites Prieres, mondit Seigneur l'Euesque d'Auranche, accompagné de ses Officiers & ministres, & dudit dueil conduit comme dessus precedez dudit maistre des ceremonies, & suyuis de plusieurs personnes d'hōneur, furēt mettre ledit corps en terre, en l'ordre & ceremonie en tel cas requise. Estāt durant tout ce temps, les cierges allumez de toutes pars en ladite Eglise : & toutes les cloches d'icelle sonnās, avec la fudite grosse cloche nommée George d'āboyse, nouuellement raccommodée (comme dessus est dit) qu'est vne des meilleures cloches de France.

Ce faiēt, chacun se retira iusques au l'endemain matin, fixiesme dudit moys de Septēbre; que le dit

seigneur Cheualier reuestu en dueil comme le iour precedent, partit de sa maison proche ladite Eglise nostre Dame, estant conduit de rechef par mondit Seigneur de Montpensier, suyuis de leurs Officiers, & de ceux dudit seigneur deffunct, precedez par le maistre & commis ausdites ceremonies, & se retrouuerent en ladite Eglise nostre Dame, ensemble, les susdites Cours & compagnies, chacun en sa place, comme le iour precedēt. Où fut chantée & celebree, le seruice et grande Messe, pour ledit seigneur deffunct, fort reuerremēt & deuotieusement par ledit seigneur Euesque d'Auranches; reuestu desdits habits Pontificaux, & assisté des ministres Ecclesiastiques, requis en telle ceremonie. Le grād Autel dudit cœur, ou se disoit ladite messe, estoit reparé hault & bas, de parement & foubassément de velours noir, ayant vne Croix de drap d'argent, avec les armoiries dudit deffunct de broderie le tout fait aux fraiz & despens dudit Cheualier & par lui donnez a ladite Eglise, avec les Chafubles, Tuniques, & trois grandes Chappes de mesme parures : & encores trois autres chappes de damas noir, ayās les orfrais de damas blanc, le tout ayant les armes timbrees dudit Seigneur deffūt, trauesées d'un Ancre d'argēt en broderie.

A l'heure de l'offrande, trois officiers de la maison, y furent porter, l'un un cierge avec un escu sol : le deuxième, un grand pain, le troisième un grand pot d'argent plain de vin.

Incontinent apres, mondiēt Seigneur de montpensier, y conduit ledit Sieur Cheualier reueſtu en dueil (comme dit eſt) precedez dudit maĩſtre de ceremonie, & donnerent à l'offrendre chacun vn eſcu, & n'y eut autres que eux qui allerent à ladite offrande.

Après icelle acheuee, mondit Seigneur l'Eueſque d'Auranche fortit de l'Autel, & monta en chaire (qui eſtoit couuerte de drap noir, & preparee au milieu dudit cœur) en laquelle il feit treſdignement & doctement l'oraĩſon funebre en l'hōneur dudit deffunt Seigneur Admiral : & avec tant d'ornement & de grace, qu'il n'y eut celuy des aſſiſtans, qui ne reſſentiſt des nouueaux eſguillōs de douleur, en la mort & perte d'un ſi digne & honorable Seigneur.

Après ladite Oraĩſon funebre lediēt Sieur Eueſque acheua la Meſſe, avec toutes les deuotions & ceremonies ordinaires, & icelle dite chacun partit de ladiēte Eglife, & ſe trouua (au meſme inſtant) au diſne prepare en la maiſon Saint Ouyn, auquel la compaignie auoit eſté inuitee & y fut traictēe magnifiquemēt & ſplendidemēt & à liſſuē du diſne, chacun ſe retira en ſa maiſō, & apres diſne fut faicte auſmone generale à tous pauures ſuruenans de pain & d'argent.

Peu de iours apres furēt pēdus tous leſdits trophēes tant de mer q̄ terre, en ladite Eſglife noſtre Dame de Rouen, et enuiron de ladite ſepulture dudit Seigneur deffunct, en vn fort bel ordre & ſumptueux appareil, auſquels fut adioutee la cornette de taffetas noir, bordee

d'argēt, ayant vne large Croix d'argēt, avec deux chiffres d'or & deux Ancres d'argēt dans les quartiers de chacū costé; le tout en attēdāt la cōstruction d'vne belle & superbe sepulture, q̄ ledit Sieur Cheualier d'Oyse à deliberé d'y faire faire en bref.

Ce sont en somme, bien au long & par le menu, les honneurs, pompes funebres & tout ce qui a esté fait, pour celebrer la memoire de deffunct Mōseigneur l'Amiral de Villars, que i'ay voulu icy representer exactement selon la verité, tant pour macquiter de mon debuoir enuers luy, que pour la consolation des bons Chrestiens & vrayz François : veu que (comme dict Sainct Augustin) telles parades & hōneurs qui se fōt aux trespassez, sont de grande edification, & pourtant il les appelle foulas & ioye des viuans.

Solatio vinorum. Aug. de Cur. pro. mor.

Sur quoy & sur le reste contenu au present discours, nous auons vn ample subiet, de tirer beaucoup de profit, par vne Serieuse cōsideration, de la misere & fragilité humaine, de l'instabilité des prosperitez temporelles, de la vanité des choses mōdaines & caduques lesquelles se passent comme vn feu destouppes. D'autant que la mort suruenant, romp & dissout les desseings & proiectz des hommes. Et de la nous apprenons que la meditation de la mort est tres-vtile, pour contenir les plus desbauchez, & les ramener à vne vie reiglee. Et pour le dire en vn mot ceste meditatiō de la mort & des choses dernieres, nous fait bien viure, & la bonne vie est cause de la bōne mort nous apprenons

aussi que les braues hommes & gens de bien, ne meurent iamais à propremēt parler, car la mort corporelle ne peut estouffer leur memoire & louange.

Et puis il nous fault considerer, que le comble de nostre consolation, est fondé sur l'immortalité de l'ame & la generale resurrection des corps, que les crestiens tiennent pour article de foy. Qui est une grace admirable, & vn mistere ou gist nostre souuerain cōtamment. Car tout ainſi comme la mort est aux meſchans tref dommaigeable & dāgereuſe, aussi est celle des iustes, precieuse & agreable deuant la face de Dieu. Et d'autant q̄ ceste mort ne durera pas tousiours ains ſeulement iuſq̄s à ladite reſurrectiō generale des corps, elle est de pluſieurs appellée vn ſommeil. C'est le nom qui luy est donné en pluſieurs endroiſts de l'eſcripture ſainte, & Ieſus Chriſt meſme la ainſi nōmee. Et les antiens Philoſophes Payēs, qui ont creu l'immortalité de l'ame, luy ont donné le meſme nom, ayāt quelque inſtruction ou reſſentiment pluſ que humain.

Socrates & Homère entre les autres, ont appellé la mort vn profond ſommeil & ont dit que le ſommeil & la mort, ſont freres gemeaux, pour la grande ſimilitude & conuenance que ils ont enſemble.

Diogenes Cinique, eſtant vn iour malade, ſe print à dormir profondement, & comme le mdecin ſuruenāt l'eust eſueillé, pource que le ſommeil eſtoit contraire à ſa ſanté, Diogenes luy dit qu'il ſe trompait de l'auoir

Mors peccatorum peſſima.
Pſal. 33.

Præcioſa in conſpectu domini, mors ſanctorum eius.
Pſal. 115.

esueillé, pour ce que s'en allant mourir c'estoit chose conuenable que le sommeil precedast, & qu'un frere visitast l'autre.

La raison de telle opinion est euidément, en ce que la mort n'est qu'une separation de l'ame d'avec le corps : non pour tousiours, mais seulement pour vn temps, apres lequel ils se reprendrôt & remariront plus estroic-temēt que deuant, car fera pour tout iamais. Et durant ceste separation, chascune des parties de ce tout ainfi diuisé, se reduit & reuge au lieu de son origine, pour y demeurer iusques au iour que Dieu à ordonné ladite resurrection generale. Et c'est ce que dict le Saige bien clairement, que l'homme estant mort, le corps se reduit en terre, de laquelle il à prins sa naissance, & l'esprit s'en va à Dieu, qui la faict & formé à sa semblance.

*Et reuertitur
puls in ter-
ram suam unde
erat, spiritus
autem ad Deum
qui dedit illum.
Ecclesiast. 12.*

*Cōcretus ac
discretus, &
rursus abiit
unde venerat,
terra in terram
spiritus autem
ad supera. Eps.*

Ce que recongnoissant le saige Epicarmus, par vne lumiere supernaturelle, disoit que l'hōme estoit premieremēt fait & cōposé, puis dissout & deffaict, & que alors chacun se retiroit d'ou il estoit venu, assauoir le corps en la terre, & l'esprit au Ciel.

Voyla pourquoy les Chrestiens ont tāt de foin des hōneurs funebres, & la cause pour laquelle, ils font si grand honneur aux corps des trespassez : spécialement des vertueux & illustres personnages. Car (pour dire la vérité) il n'y a point d'vrnes assez honorables. Il n'y à point de tombeaux, sepulchres n'y maufolees

tant excellēs soient ils, qui soient dignes ou capables d'enfermer & enclorre, les corps des hommes vertueux & gens de bien.

Et pource Sainct Augustin reprenoit de son tēps, ceux qui se faschoiēt que plusieurs chrestiens Martyrs, gifoient aux champs sans sepulture, & leur disoit que la terre n'estoit pas digne de les enclorre, & que tout l'vniuers estoit leur sepulture, & le Ciel leur couuerture.

L'empereur Seuerus trefbon & vertueux prince & de grande reputation, voulut (auant sa mort) faire faire l'vrne en laquelle les cendres de son corps seroiēt mises apres son decez. Et cōme elle fut acheuee, l'Empereur la voulut voir, & luy estāt representée, apres l'auoir regardee & longuement consideree, la print entre ses bras, & dit ces parolles. O vrne, tu doibts vn iour enclorre celuy que tout le monde vniuersel ne peut enclorre n'y enfermer.

Ce qui me sert pour monstrier que l'on ne peut assez honorer la memoire des grandes & illustres personnes, bien meritees du public; & que ce n'est point assez, de leur dresser des sepultures magnifiques de marbre ou autre pierre depris, ains il fault outre cela, les grauer & enseuelir en noz cœurs, & les enregistrer en nostre memoire, pour les aymer & louer eternellement, imiter leurs belles actions: & prendre leur vie pour patron & modelle de la nostre, & nous y conformer entierement.

Augu. de ciuit. dei.

*C'estoit une
coustume en ce
temps, de bru-
ler les corps,
& en reserver
les cendres en des
urnes faictes
expres pour les
personnes illu-
tres.*

*Urna virum
capies, quem
totus orbis ter-
rarum capere
non potest. Dion
Næc.*

C'est la pratique que nous en a mōstré la Royne Artemisia, laquelle ayāt faißt dresser un superbe sepulchre, aux cendres du Roy Mausolus son espoux, ne peut souffrir que leldictes cendres y demeurassent, ains les aualla toutes petit à petit avec son breuuage & les en sepultura dans son propre corps, avec l'amitie & perpetuelle souuenance quelle en auoit grauee en son cœur.

Ainsi faut-il que noz cœurs foyent r'emplis d'une amour & charité, & nostre memoire d'une souuenance honorable dudit deffunct Seigneur Admiral, lequel ayant bien & vertueusement vecu , est mort honorablement & (comme l'on dit) au lißt d'honneur pour le seruice de son Roy, la deffense de son pays. A raison de quoy tous les bons François sont infiniment obligez à sa memoire, & à tous les siens.

Je prie Dieu de tresbon cœur,
qu'il luy face misericorde &
reçoyue son ame en la
gloire eternelle
Ainsi soit il.

FIN.

Laudemus viros gloriosos & parentes nostros in generatione sua. Eccle. 44.



SONNET EN FORME D'EPITAPHE
à la louenge dudit Seigneur.

Lysippe, Apelle Homere avec leur ouurage
Sçeuient Iadis diuins tout le monde eslonner
Pour grauer, pour tirer & pour bien entonner,
La statuë, le tableau & doëe langage

Face le Ciel encor qu'au printemps de leur aage
Pour te louër (VILLARS) ils puissent retourner :
Hà ! que di-je, louër ; quel homme peut sonner
Le lox de sa vertu plus que toy, d'auantage ?

Le Bronze, la Peinture & les vers excellent,
Le Ciçeau, le Pinceau, la plume au tein d'argent
De l'engraueur, du Paintre ou du Poëte, erre

Ton nom seul fera donc le marbre & le tableau
Et la carthe polie à te faire vn Tombeau
Plus beau que celui-la, qui, mort, defia t'enferre.

G. L. M. V.



Epitaphium D. D. Andreæ Brancatij
æquitis, vrb. Rothomag. quondam
guber. & Franciæ
Thalasiarchæ.

Marmore non tantū hoc tegitur Bracatius hæros.
Mars, Pallas, Charites, Thetis & alma latent
Hos vitæ comites, Comites decet esse sepulchri,
Dum regi & regno, sæua per arma cadit.
Occidit Andræas Brancatius occidit orbis
Non mediocre iubar, Rotgomagiq; salus.
Hispani, crudo, captum, mucrone necarunt
Dourlani : Occifum gallia tota genuit.
Anchora Neptuno dum reddit, ossaque terræ :
Mons repetit superas (iure) beata domos.





TOMBEAV PAR ALLVSION

SVR LANAGRAMME DE ANDRE

de Brancas contenant ces motz.

Ardant Scanderbec.

*Vn (ardant scanderbec) reuiuant en la France,
Soubx André de Brancas, est mort tout de rechef,
Il n'est point de tombeau, digne d'un si grand Chef
Enterrez le (passant) dans vostre souuenance.*

C'est vn notable Anagramme. Car les Brancas de Naples
d'ou est descendu feu Monseigneur l'Admiral
de Villars font venus de la race de
Scanderbec.





L'Imprimeur au Lecteur.

A My lecteur, i'ay à vous aduertir, que l'Impression de ce discours a esté tellement hastée, affin de la vous presenter soudainement apres les funerailles de feu Monseigneur l'Admiral) qu'il ne m'a esté possible de la rendre si correcte, comme ie l'ay désiré pour vostre contentement. Et pource ie vous suppliray de m'en excuser.



APPENDICE

I.

OBSEQUES ET FUNÉRAILLES DE FEU MESSIRE ANDRÉ
DE BRANCARS VIVANT SEIGNEUR DE VILLARS
AMIRAL DE FRANCE.

Ce jourduy, dernier jour d'Aoust 1595, les chamb^{es} assemblées pour auiser et délib. sy la Cour devoit aller et assister en Corps aux obsèques et funérailles de feu Messire André de Brancars, vivant seig^r de Villars, amiral de France, gouuerneur et lieutenant général pour le Roy aux bailliages de Roüen et Caux, ayant esté tué par les Espagnols, tenant lors assiégée la ville de Dourlans, le Lundy 24^e Juillet dernier, et, depuis, son corps apporté en l'église des Celestins de cette ville, le 5 de ce présent mois, du fort de S^{te} Catherine, ou il auoit esté premièrement porté, le dimanche trantie^e du d. mois de Juillet; attendu, que la d. Cour n'auuoit receu lettres de sa Majesté pour cet effet, comme il est en tel cas Requis, quelles seremonies et ordre de marcher seroient obseruées, et le

lieu de la séance et Rang que tiendrait la dite Cour, pour la conseruation de La dignité qu'il a plu aux Roys luy attribuer;..... se trouuant ausd. funérailles Monseigneur de Montpensier, pair de france, gouuerneur et Lieutenant général, pour Sa Majesté, en ce pays de Normandie, et autres seigneurs, Lieuten^{ts} gen^{ls} et gouuerneurs en l'absence du d. Seign^r; après auoir fait représenter certain Discours imprimé, de l'an 1510, des Cérémonies, qui furent lors obseruées par la Cour de L'Echiquier, aux Obsèques et funérailles de feu M^r le légat D'Amboise, archeuesque de Roüen, avec un Extrait des Reg^{ms} de la Cour du 30 aoust 1565, contenant la délibération qui fut faite pour assister au convoi du Corps du feu sieur de Villebon, lieutenant gen^l en ce gouuernement, où la Cour se trouua en Corps; et veu, certains Memoires et auis recetüllis des Cérémonies qui se sont obseruées en tels actes en la ville de Paris, et sur le tout, mis en auant, ce que chacun pouuoit auoir de Memoires de ce qui a esté gardé et obserué aux funérailles de tels personnages.

Enfin a esté conclu, qu'en recommandation de la mémoire dud. feu S^r amiral et pour certaines et particulières considerations à ce mouuants, lad. Cour, et sans tirer à conséquence, elle assistera en corps au funérailles dud. S^r et recevra la semonce du heraut ou Maistre des Cérémonies, les chambres estant assemblées, sans quil soit fait aucun son de clochettes dans l'enclos du Palais et sera fait entendre au d. Maistre des Cérémonies l'ordre et Réglement que la Cour aura auisé et aresté, affin qu'il soit fait garder et obseruer et ny arrive de Confusion.

Qu'au jour désigné pour faire lesd. funeraillies, la

Compagnie s'assemblera en ce palais, duquel elle partira et marchera en Corps pour se Rendre en la d. Eglise des Célestins, et, en passant, sans attendre le Deüil, donnera de l'eau benitte sur le Corps du d. deffunt, et, ce fait, prendra place aux chaires ou autres bancs et sieges qui seront préparéz, en attendant les autres compagnies; et, Icelles assemblées, estant constant que le d. Seigneur duc de Montpensier conduira le Deüil, marchera le corps de la d. Cour immédiatement après le dit Deuil, en laissant quelque espace et interualle de chemin entre le d. deüil et le corps de lad. Cour, sans permettre qu'aucuns autres la préferent. Marcheront Mess^{rs} les présidents et subsecutiuelement Mess^{rs} les Cons^{rs}; et, en cas que Messieurs de Feruaques et de Chastes, Lieutenants généraux pour le Roy, en l'absence dud. Seigneur de Montpensier, se trouuent aud. convoy, ils auront lieu et marcheront a costé de M^{rs} les plus anciens, sans que autres Seigneurs, qui ne sont lieutenants de Roy, y puissent estre receus et admis.

La Compagnie, estant arriuée en l'Eglise N. Dame, après que led. Sieur de Montpensier aura pris sa place et séance en la chaire du haut Doyen, du costé droit des hautes Chaires, qui luy sera préparée comme conduisant le d. deüil, M^r le P. P. prendra place, en laissant une place vide entre led. sieur de Montpensier et luy, et subsecutiuelement M^{rs} les autres présidents et conseillers tant qu'il en pourra estre assis aux hautes chaires, qui resteront aud. costé droit; et le surplus aux autres chaires hautes du costé gauche; en laissant cinq chaires, de chacun costé, pour les chanoines, au dessus de Messieurs; auquel costé

gauche, vis à vis dud. sieur de Montpensier, sera le d. Deüil et au dessous iceluy, et, une chaire entre deux, M^{rs} les lieutenants generaux pour le Roy, qui assisteront aud. Convoy et non autres, et sera le jour dud. Convoy auant que de partir du Palais aisé par la cour du nombre de Messieurs qui y pourront assister selon le nombre desd. hautes chaires.

Que la Cour n'ira à l'offrande, et seulement le Deüil, et sera tel ordre observé au service auquel lad. Cour assistera pareillement; et Estaient présents à la d. Délibération : M^{rs}. Groullart, premier ; Le Jumel, Anzeray, et Bretel presid^{ts} ; Le Chandelier, Le Brun, Fiset, La Vache, de Montagu, Martel, Péricard, Duquesne, de Brinon, du Perron, Le Fébure, de Cahagnes, La Tigerie, Vigor, de Croixmare, Buquet, Heudey, de Maromme, de Gruchet, Dyel, Voisin, Véron, Godefroy, Caelier, Bouchart, de Civile junior, Le Roux, La Champagne, Bonissent, Bigot, Trosnel, de Moges, Hüe, Le Jumel, Anzeray, de Bétencourt; et M^{rs}. des Requestes, de Limoges, Puchot et Onfrie ; les gens du roy, Thomas, de La Porte et Paschal.

Et le Lundy, troisième jour de septembre, aud. an, sur les 5 à 9 heures du matin, la Cour auertie par les huis-siers que le Deüil dud. feu s^r amiral estait arriué en la grande salle des procureurs et demandoit à entrer pour faire la semonce; Ont esté à l'instant les chambres assemblées, compris les Req^{tes} et gens du Roy, et led. deüil, composé de vingt, revestus de longues robes de Deüil, ayant chacun d'eux les armoiries du d. deffunt, l'une devant et l'autre derrière, attachées à leurs Robes, et portants : Clochettes en leurs mains, et le surplus, aussy revestus de

longues robes de Deüil, estant la plus part des officiers et Domestiques dud. feu sieur amiral, faits entrer en la grande chambre du pledoyé, où estoit lad. Cour assemblée, conduits par deux Maistres des Cérémonies, l'un à la teste et l'autre aux ailles dud. Deüil, portant chacun un baston noir, ayant en entrant fait la d^e salutation à la Compagnie et rangé led. Deüil en parade, deux a deux, le long des parois de la d. grande chambre;

A esté fait auancer le maistre d'hostel dud. feu sieur amiral, qui portoit la parole de la semonce, et entré seul au bureau, du costé des auocats des appellants, a dit : que les parens et héritiers dud. feu sieur admiral supplioient très humblement la Compagnie de leur faire cet honneur, que d'assister aux funérailles dud. feu sieur amiral, le corps duquel sera porté honorablement en sépulture, demain après midy à telle heure qu'il plaira à la Compagnie d'ordonner, a partir de l'Eglise des Célestins, ou de présent il repose, en l'Eglise Cathedralle de Notre Dame de Roüen, en laquelle il sera jnhumé; et aussi supplient la Compagnie de se trouver, le landemain matin, au seruice solennel qui se fera en la d. Eglise Notre Dame pour l'ame du d. défunt.

Après laquelle semonce, a esté répondu par led. Sieur premier Président, que : le d. sieur amiral auoit esté tué au grand regret et déplaisir de cette Compagnie, détestant la façon et Cruauté de laquelle les ennemis ont usé envers luy, l'ayant sy inhumainement tué et massacré de sang froid, et en considération des mérites dud. deffunt, ayant sy dignement exposé sa vie pour le service du Roy, auquel il s'estoit fait paroître très affectionné en tous ces actes et principallem^t en la réconciliation de cette prouince

et affin d'exciter ceux quil a laissez après luy de suiui sa trace; la Compagnie auoit delibéré de luy faire ce dernier office d'assister à ses funérailles, demain à une heure après midy, et pareillement au seruice le jour en suiuant.

Ce fait, led. deüil retiré en l'ordre que dessus, après auoir fait leurs semonces aux officiers de la table de marbre du palais, sans auoir fait aucun son desd. clochettes en l'Enclos du d. palais et jusque apres estre sortis de la cour du d. palais, que lesd. crieurs ont commencé à sonner desd. clochettes en la Rüe, à l'endroit des deux grandes portes de lad. Cour du palais du costé de la Rüe des merciers, faisant par le crieur Juré de la d. Ville, estant du nombre dud. deüil, les criées et proclamations publiques de la mort et enterrement dud. feu S^r amiral.

Le Landemain, jour de mardy, 5^e dud. mois de Septembre 1595, les chambres de rechef assemblées, où estoient M^{rs} les présidents, conseillers et gens du Roy, sus nommez, sur le doute et difficulté proposées par M. le P. P., qui se pourra offrir en l'ordre de marcher de lad. Cour aux obseques et funeraillles du d. S^r amiral, pour raison des entreprises dont l'on a eu quelque auis, que ceux de la Chamb. des Comptes prétendoient faire au prejudice de la dignité de la Cour et se vouloient immisser de marcher a costé de M^{rs} de lad. Cour comme se disant erigez et instituez à l'Instar de la chambre des Comptes de Paris; pour, a quoy obuier et eviter le désordre et confusion qui y pouroient arriuer, après auoir mis cette affaire en delibération, a esté arrêté : qu'en l'arrest et delibération faite le dernier jour d'aoust

dernier, sera adjouté, qu'ou aucuns se voudraient ingérer de marcher a costé de la Cour, qu'il ne leur sera permis, ains a l'encontre d'eux procédé par emprisonnement de leurs personnes, en cas de résistance, et, a cette fin, mandé le Capitaine de La Cinquantaine, auquel a esté enjoint se trouuer, a douze heures en ce palais, avec ceux de sa Compagnie, pour donner ordre quil n'y ait aucune confusion près de la Cour, lorsquelle marchera, et quilz ayent a marcher dun costé de la Rue, en forme de haye, et empescher que nulle autre compagnie marche aud. costé; et néanmoins ont esté députez et envoyez par devers Monsieur de Montpensier Messieurs Le Brun et Duquesne affin de le consulter sur le desordre qui pourra arriuer la d. chamb. des Comptes et Cour des Aydes, à cause de leur contention; lesquels, sieur Le Brun et Duquesne de retour ont raporté que led. sieur de Montpensier leur auoit dit, qu'il y auoit ja pouruü et parlé aux présidents, tant de la Chambre des Comptes que Cour des Aydes et auoient aisé qu'ils ne s'y trouveroient ny l'un ny l'autre.

Led. jour, environ une heure apres midy, Messieurs assemblez en la grande chambre, ou estoient Messieurs Groulart, premier; Le Jumel, Anzeray, et Bretel, présidents; Jubert et Maïgnot M^e des Requestes; Le Chandelier, Le Brun, La Vache, de Montagu, Martel, Toustain, Duquesne, de Brinon, du Perron, Le Fébure, Puchot, La Tigerie, de Boislevesque, de Croismare, Heudey, de Maromme, Garin, Godefroy, Caelier, Voisin, Veron, La Champagne, Bouchart, de Ciuille, Le Roux, Bigot, de Moges, Aufrie, Le Carpentier, de Limoges, Anseray, Bunache et Thomas, aduocat général.

Et, apres auoir delibéré sur une requeste presentée par les huissiers de la Cour a l'encontre des huissiers sergents de l'amirauté, affin que deffences leur fussent faittes de porter robes Longues et bonnets comme les autres huissiers de lad. Cour et qu'il a esté arresté que lesd. huissiers et sergents seront ouys.

La Cour est partie en l'ordre qui ensuit, a scauoir :

Les huissiers marchants avec leurs baguettes après Varin, principal commis du gref ciuil, estant le greffier en chef absent; et au devant de M. le Premier Président marchoit le premier huiss^r, Messieurs les Présidents un a un et M^{rs} les Conseillers deux à deux, et demeurez derrière, aucuns des huissiers de lad. cour, pour faire la Cloture du corps d'icelle, et, aux aisles et costez, marchoient ceux de la Cinquantaine; suivoient les aduocats et procureurs; et a, la d. Cour, pris chemin par Saint Lo, pour aller en la grande rüe de la Crosse et rüe Saint Vivien et c'est rendüe au Couuent et monastère des Célestins et, en passant, a la Compagnie donné de l'eau bénitte sur le corps dud. feu sieur amiral, lequel estoit posé hors la nef de l'Eglise et près de l'entrée d'icelle; et, entrez, ont pris place aux hautes chaires, n'y estant venu autre Compagnie, reserué les Conseillers et Echevins de la ville, conduits par Monsieur de La Porte, procureur général du roy, comme garde du d. bailliage et estant M^r de Montpensier retiré en l'une des chambres dud. couuent avec M^r le Chevalier Doyse qui portait le Deüil.

S'est présenté le Maistre des Ceremonies, le quel a remonstré qu'en tels actes funesbres il n'est accoustumé, qu'aucuns gens de guerre marchent en armes après le corps du Deffunt, comme prétend faire la Compagnie en

corps de la Cinquantaine avec leurs arquebuses, étant armes ordinaires, que s'ils veulent marcher en armes il faut que ce soit devant le Corps et après led. Corps ne peuvent porter armes.

Sur ce, s'estant levé M^r le P. P. et assemblé partie de Messieurs ou se sont présentez le d. sieur procureur général, conduisant le corps de la ditte Ville, comme garde dud. bailliage, Caelier, lieutenant général, et aucuns des Conseillers de lad. Ville, qui ont remonstré que lesd. de la Cinquantaine, sont du corps de La Ville et ne l'abandonnent et plus tost ils laisseroient leur enseigne sans la porter.

La matière mise en délibération, a esté auisé, afin de ne faire aucun préjudice à l'un et à l'autre corps de la Cinquantaine et des arquebusiers, qu'en ayant laissé nombre sufisant pour estre près le corps de lad. Cour et de la ville, ceux qui porteront les armes seront envoyez devant, avec les gens de guerre, en trainant leurs armes comme les autres, et que le surplus demeurera, sans armes autres que leurs épées, avec le Corps de la d. ville; de laquelle délibération a esté conféré avec Monsieur de Montpensier vers lequel M^r de Montagu et Duperron, ont esté a cette fin envoyez et ont référé que led. sieur de Montpensier le trouuait bon et approuuoit cet auis et deliberation.

Et à l'instant se sont présentez le d. sieur procureur général du Roy, et d'Esteville, Conseiller Echevin, qui ont requis affin quil ny ait aucune consequence pour l'advenir, que cela ne soit prononcé par arrests mais plustost come prouen^t du commandem^t fait par lad. ville ;

auxquels a esté répondu qu'ils eussent à donner ordre et faire suivre led. Reglem'.

Et, ce fait, toutes les Compagnies ont commencé à Marcher selon le rang et ordre qui on suit :

Premierement

Marchoit seul, le premier, un commis du Maistre des Cerémonies. —

NOTA. — Suit la description du cortège, comme nous la trouvons reproduite dans le *Discours véritable*.

Les derniers mots du manuscrit sont :

« Et toutes les cloches d'Icelle, avec la susd. Cloche nommée Georges d'Amboise nouvellement Raccommodée. »

Extrait d'un manuscrit de la Bibliothèque publique de la ville de Rouen (fonds Martainville $\frac{Y}{90}$), ayant pour titre :

D'un registre en parchemin de la Cour de Parlement de Rouen, contenant plusieurs cérémonies et délibérat. de la dite Cour a été extrait ce qui ensuit :

A la page 95, se trouve la relation ci-dessus :

II.

ORDRE TENU A LINHUMON DU DEFFUNCT
S^r ADMIRAL DEPUYS LES CELESTINS
JUSQUES A N^{re} DAME.

Premierement marchoit ung homme vestu en deuil portant ung baston noir en sa main comme maistre des ceremonies suyvy de vingt hommes vestus de robes noires avec le babelou portant chacun une clochette et alloit tousjours sonnanz par les rues.

Aprez marchoient les paoures des quatre quartiers de ceste ville portans chacun ung sierge de cire jaulne auquelz avoit esté donné chacun ung pain dune livre et estoient en nombre de six vingtz conduictz par gens deglize.

Aprez marchoient cinquante hommes vestus de robes noires avec le babelou portant chacun une torche de deux livres ou estoient attachees les armes du dict feu S^r admiral.

Aprez marchoient les Capuchins en nombre de six.

Aprez les Cordeliers en nombre de trente troys.

Aprez les Jacobins en nombre de quatorze.

Aprez les Augustins en nombre de saize.

Aprez les Carmes en nombre de quinze.

Aprez marchoient trente six jeunes enfans vestus de sourpliz portant trente six croix et a chacune croix deux torches portees par deux aultres enfans vestus de sourplys

Ordre tenu
en l'inhuma-
tion de feu M.
de Villars, ad-
miral de France
le cinquième
septem^{re} 1595

comme les aultres les d. croix suivyes par les p^{ères} en nombre de huict vingtz.

Aprèz marchoient aultres cinquante paoures vestus de robes noires avec le babelou portant chacun une torche de deux livres comme les precedentz.

Aprèz lesquelz marchoient les d. religieux de saint Lo la Magdelaine et N^o Dame de Bonnes-nouvelles en nombre de vingt-quatre.

Aprèz marchoient le capitaine Péricard sergent major suyvy des douze capitaines des bourgeois de la ville marchantz quatre a quatre portant en bas leurs espieus couvertz de cresse noire suyvs de vingt quatre rengz de harquebusiers marchantz cinq a cinq, aprèz les douze lieutenans suyvs de six rens de picquiers couvertz marchantz cinq a cinq suyvs des douze ensaignes portant leurs ensaignes bas couvertes de cresse noire suyvs de six aultres rens de picquiers marchantz cinq a cinq suyvs de trente rens de harquebusiers marchantz cinq a cinq conduictz par les sergentz de bende.

Aprèz la compagnie des cent harquebuziers de ceste ville.

Aprèz marchoit partie de la compaignye de la cinquante suyvy de cinquante aultres paoures estans en deuil avec babelou portans chacune une torche en la main comme les precedentz.

Aprèz la confrayerie des maryniers de la riviere de Saine portans chapperons bleus avec ung bourlet blanc et une autre ayans chacun une torche.

Aprèz marchoit le S^r de Boniface vestu d'une grande robbe de deuil trainant plus de deux aunes en terre ayant un babelou et ung baston noir en la main.

Apréz marchoient six capitaines de la garnison du fort vestus en deuil trainans leurs picques couvertes de crespé noire suyvy de quatre vingz harquebusiers apréz lesquels marchoient cinq lieutenans suyvis de sept rencz de picquiers couvertz.

Apréz marchoient deux hommes accoustrez de deuil portant deux ensaigmes neufves de taffetas noir avec la croix blanche ausquelles estoient les chiffres du d. deffunct S^r admiral et plusieurs autres suyvis de xxiiii picquiers couvertz et de cinquante harquebuziers.

Apréz marchoit ung homme accoustré en deuil dun grand manteau portant ung baston noir en sa main apréz lequel marchoit le capitaine des gardes du d. feu S^r admiral et son lieutenant portans grandes robes et le babellou et lespee au costey suivys de douze des d. gardes ayant des casaques de serge noire avec chiffres du d. deffunct.

Apréz marchoient les domesticques de sa maison en nombre de vingt deux portans grandes robbes de deuil avec le babelou.

Apréz lesquels marchoit ung trompette avec la casaque de velours noire le d. trompette estant a pied.

Apréz marchoit ung homme de cheval vestu de vellours noir et le d. cheval caparassonne de vellours noir avec une grande croix de satin blanc lequel homme portoit une ensaigme en laquelle y avoit paint ung homme de cheval toulte arme lequel se jetoit dans ung feu et y avoit escript en la d. ensaigme *Verus amor patriæ* suivy dun aultre accoustré comme dessus.

Apréz marchoient sept pages vestus de vellours noir le premier portant la lance du d. deffunct S^r admiral le

second les esperons, le troysieme ses ganteletz, le quatrieme son haulme, le cinquiesme la ceinture et espée, le sixiesme les armes et le septiesme lescusson de ses armes, chacun sur ung coissin de vellours noir couvert de cresse noir.

Apréz marchoient deux lacquaiz vestus de vellours noir menant par la bride le cheval de parade du d. deffunct le dit cheval blanc ayant ung grand panache blanc et noir une selle de vellours broudée d'argent aux chiffres du d. S^r.

Apréz marchoit lescuyer portant le babellou avec la grande robbe en deuil suivy de troys pages vestus de vellours comme les precedentz suivys de douze gentils-hommes portant le grand deuil ayant les espees au costey.

Apréz lesquelz marchoit ung aultre maistre des sere-monyes accoustré en deuil le quel estoit suivy par ung trompette vestu a la matelotte de serge noire.

Apréz marchoient deux capitaines de navires ayans chacun la grande casâque de vellours et portant ensaigmes noires en forme de pavillons de navire.

Apréz lesquelz marchoit le capitaine maltays vestu de vellours noir portant une ensaigme blanche suivy dun aultre capitaine portant une grande ensaigme noir, ou estoient les armes de France et aux quatre coings des an cres.

Puys marchoient viron douze hommes tant du Havre Montiviller que Caudebec.

Apréz marchoient les officiers de l'admiraulté.

Apréz les gardes de mons^r de Montpenssier en nombre de vingt cinq conduictz par leur capitaine et lieutenant.

Apréz marchoient quelque nombre de gentilshommes

entre lesquelz estoient le S^r Dalcona, le S^r de Cocquereau-
mont, le S^r du Taillys et aultres jusques au nombre de
vingt.

Apréz marchoient les religieux de Sainte-Catherine en
nombre de douze.

Apréz lesquelz marchoient les religieux de Saint-Ouen
en nombre de vingt six.

Apréz marchoient six chappellains portant six torches
marchantz devant la croix de N^{re} Dame lesquelz estoient
suivys des chappellains en nombre de soixante et quatorze
et grand nombre de chanoynes.

Mons^r davrenches suyvant apréz avec son mittre ayant
une grande cappe de vellours noir ou estoient les armes
du d. feu S^r admiral, les deux costez de laquelle chappe
estoient portez par deux des chappellains de la d. eglise
ayant chacun une chappe de damas noir suyvis par les
Abbez de Mortemer et de Montebourg.

Apréz marchoit le grand maistre des seremonyes.

Apréz le quel S^r évesque estoit porté le corps du d. feu
S^r admiral par douze matelotz vestus en deuil sur lequel
corps y avoit un grand drapeau de vellours avec les croix
de toile d'argent sur lequel y avoit une grande ancre
argentee.

Les quatre coings du drapeau estoient portez scavoir ceux
de devant par les S^{rs} Dumesnil de Guytry et les deux
aultres par les S^{rs} barrons de Pont Saint Pierre et de
Contevant devant lequel corps marchoit ung homme
portant le bannier ayant en sa main ung gros cierge de
cire blanche et a l'entour du dict corps y avoit douze est
assavoir six capuchins du costé droit et six minimes du

costé senestre portant chacun un gros cierge de cire blanche tous armoiries.

Apréz marchoit mons^r de Montpenssier conduisant le grand deuil ayant son collier de l'ordre du Saint-Esprit au col.

Apréz marchoient les huissiers de la court, le principal commis du greffe civil, le premier huissier, apréz messieurs le premier président, le président Le Jumel et le président Anzerey seul à seul suyvis de quatre maistres des requestes et de messieurs les conseillers de la d. court faisant marcher a costey d'eux une partie de la cinquantaine pour éviter a confusion.

Apréz marchoient les sergents du bailliage et le sergent a masse portant icelle le quel marchoit devant mons^r le procureur general conduisant les eschevins de la ville assistes du lieutenant general et de plusieurs des eschevins de la d. ville.

Relation conservée aux Archives Départementales, de la Seine-Inférieure.

III.

Le lundi 4^e jour de 7^{me} 1595, estant messieurs les six conseillers et escheuins de ceste ville assemblez en leur bureau, vindrent les principaulx officiers de la maison de feu Monsieur l'admiral en bon nombre semondre solonnement lesd. S^r escheuins, de la part de messieurs les parents et héritiers dud. défunct, pour se trouuer aux funérailles d'icelluy S^r qui se feront le lendemain en l'église cathédrale Notre Dame de Rouen et au seruice du mercredi ensuiuant; et sur l'heure fust commandé au sergent de la Ville faire la semonce du conseil des 24 et officiers en la manière accoustumée; et demi heure apres revint led. sergent qui aduertit lesd. sieurs conseillers que, semonnant monsieur d'Auberuille lieutenant gnâl, luy auoit dict qu'il y auoit uiron une heure que M. le Procureur Général auoit, pour le décès de feu sieur Comte de Tillières, bailliy, prins possession par autorité de la court de la garde dud. bailliage, qui fust cause de charger led. sergent l'aller inuiter pour assister a lad. inhumation avec le corps de lad. Ville, ce qui feist. Et le lendemain mena led. corps, y assistant led. lieutenant général, au monastère des Célestins où reposoit le corps dud. deffunct et partit en corps du d. hostel commun assistez des arquebusiers, cinquantaine, sergent à masse de la Ville et autres, et après que le corps dud. defunct S^r admiral eust esté enlevé dud. lieu, menoit le deuil d'honneur, porté par le S^r d'Oise, son frère, Monseigneur le duc de Montpensier,

Inhumation
de feu sieur
Admiral de
Villars.

après lequel marchoit le corps intérieur de la court de parlement précédé de ses huissiers et suiuiot le corps commun de lad. Ville, mené par led. S^r Procureur général en la susd. qualité, assisté desd. harquebusiers de la cinquantaine et sergents.

Et le lendemain, sur l'heure de neuf heures, partit dud. hostel commun le corps de lad. Ville, mené comme le jour précédent, p^r aller a la maison du S^r Gueroult, ou l'on disoit mond. Seigneur de Montpensier devoir prendre led. deuïl d'honneur, pour assister avec led. Seigneur au convoi, ce qu'il feist, et arriué à l'église Notre Dame tint sa place ordinaire le corps dud. hostel commun comme il auoit fait le jour de lad. inhumation. Et le seruice célébré, sitost que led. seigneur de Montpensier fust sorti par la porte du cueur de lad. eglise vers la chaire archiepiscopalle avec led. deuïl d'honneur, suiuit led. corps dud. hostel commun; et ayant tous, par ordre, donné de l'eau benite sur la tombe du d. deffunct, retournèrent en la nef, et, sortiz par le grand portail, alla led. corps de Ville, avec mond. seigneur de Montpensier et deuïl d'honneur, par la rue des Carmes jusqu'à la maison abbatiale de S^t Ouen, qui estoit la demeure dud. deffunct, et, ayant prins congé dud. Seigneur de Montpensier et dud. S^r Ch^{re} d'Hoise, se retirèrent lesd. S^{rs} du Conseil dud. Hostel de Ville.

Archives municipales de la Ville de Rouen.

*Relation extraite des Registres des Délibérations de la Ville.
Lettre A. Tome 21.*

IV

Septembre V^e III^e XV.
Du lundy III^e cappitalaⁿ.

Advertisse-
ment du de-
cedz de feu
monsieur l'Ad-
miral.

Mess^r hault-doyen, grand Arch^e Arch^e Sausson,
de la Roque Thesaurier, Tourmente, Bigot, Cos-
sart Ballue, de Ver, Bethencourt, Guernier,
Ygoult, Delaplace, Huet, Le Rigny, Brice, Pavyot.

Le maistre des Sérémonyes de l'inhumation de feu
monsieur l'admiral entré en chapitre par supplication,
accompagné de trente deulx hommes revestus de nouer,
ayantz chacun leur clochette en leur main, portans les
armoiries du d. deffunct, a dict que les héritiers de feu
messire André de Brancars, vivant admiral de France,
gouverneur, supplioient très-humblement messieurs de
chapitre tous en corps eulx trouver demain, deux heures
aprez midy, pour aller lever le corps du dict sieur deffunct
qui repose dans l'église des Célestins de cette ville pour
estre apporté en l'église de céans, en laquelle il a esleu sa
sepulture, auquel m^r des cérémonyes a esté fait responce
par monsieur le hault-doyen, présidant, que tout le
chapitre portoict ung extresme regret de la mort du d.
seigneur et qu'il fairoict tout son possible pour accomplir
sa dernière volonte.

Demain de matin sera comencé à sonner à quatre
heures et demye, nonobstant qu'il est férye et pareille-
ment le reste du service s'avancera de demye heure pour
commencer vespres à une heure.

Messieurs les grands vicaires sont priez taire assembler tout le clergé de la ville religions et autres demain à l'église de céans pour partir à deulx heures à aller lever le corps de feu monsieur l'admiral pour estre apporté en l'église de céans.

NOTA. Que monsieur l'évesque d'Avranches nommé mess^{rs} Francoys Pericard fit l'Inhumation dudit S^r deffunct admiral, et sur ce qu'il fut agité en deliberation quel rang prendroient les evesques et abbés n'en fut rien décis et le tout remys au mestre des cérémonyes, lequel donna telle ordre qui ne se trouva aucune difficulté. Vray est que ne s'y trouva aucun evesque ny abbé, excepté monsieur l'abbé de Montebourg, auquel fust baillé place aprez monsieur l'évesque d'Avranches, le corps de chapitre estant clos du S^r messenger.

Extrait des Registres capitulaires de la Cathédrale de Rouen.

Archives de la Seine-Inférieure. Plumitif du chapitre de la Cathédrale de Rouen. G. 2179.

Achevé d'imprimer

A ROUEN

LE VINGT-CINQ OCTOBRE MIL HUIT CENT SOIXANTE-DIX-NEUF

Par Espérance Cagniard.

14 DAY USE
RETURN TO DESK FROM WHICH BORROWED
LOAN DEPT.

This book is due on the last date stamped below, or
on the date to which renewed.

Renewed books are subject to immediate recall.

APR 27 1966 30

ON 19 06 3 160

LIBRARY

AUG

JUL 15 76

REC'D LD SEP 10 70 -2 PM 0 6

067-162877 4 0

REC. DIR. 20 77

LD 21A-8066-10,705
(F7703:10)470B

General Library
University of California
Berkeley



